

乾隆淮安府志

淮安府志河渠叙

黃水

歷代河防紀要

淮挾五十二湖七十二溪之水千數百里抵淮郡猶是禹行之舊迹也而河自崑崙蜿蜒萬里捨故道而來匯二瀆相持過郡所部數百里達溟渤焉故郡扼兩河之吭稽治少弛則河潰而北淮潰而東不獨億兆爲魚抑且漕輓爲阻觀夫兩河之在河南山東多用分治之法而淮郡則用合治之法用黃濟運而即用淮刷黃亦地勢不得不然也爰特建大閘鑿左藏文武僚吏星羅棋布咽喉重地煩

聖主之憂勤至矣宋代光宗紹熙以前言河防者大抵在冀兗濟豫之間與淮郡無涉然不考歷代之變遷則河流之源委不明不考歷代之經畫則後世之折衷鮮當於是融會水學諸書撮其精要著於篇前事不忘後事之師也志歷代河防紀要第六

禹疏九川陂九澤而江淮河濟謂之四瀆瀆者獨也各獨出其所而入海也太史公天官書曰中國山川東北流其維首在隴蜀尾沒於勃碣一行言山河兩戒以河濟爲北紀江淮爲南紀河從勃碣入海距淮入海之路甚遠三代以前言河利害與淮郡無涉焉春秋時或妄

鑿河爲渠於是滎陽下引河東南爲鴻溝以通宋鄭陳  
蔡曹衛與濟汝淮泗會又起隄防障水泛他境以自利  
使河屈曲不自由北播九河亡其八枝或曰齊桓公塞  
河以自廣或曰冬春消減盈涸無常枝流漸絕經流獨  
行於是禹迹浸壞河遂起而發大難之端矣周定王五  
年河徙自宿胥口東行至長壽津與漯別行而東北合  
漳水至章武今天入海水經所稱大河故漬者是也漢  
孝文時河決酸棗東潰金隄大興卒塞之武帝元光三  
年春河水徙從頓邱東南夏復決濮陽瓠子東南注鉅  
野通淮泗汜郡十六河之亂淮濫觴於此矣自塞宣房

後河北決於館陶分爲屯氏河東北經信都勃海入海  
因其自然不塞元帝永光五年河決清河靈鳴犢口而  
屯氏河絕成帝建始四年河復決館陶及東郡金隄灌  
四郡三十二縣河隄使者王延世以竹絡長四丈大九  
圍盛以小石兩船夾載而下之三十六日河隄成此後世  
掃築堤河平三年河復決平原復遣王延世作治六月  
所自始迺成哀帝初平當使領河隄奏言九河今皆寘滅按經  
義治水有決河深川而無隄防壅塞之文河從魏郡以  
東北多溢決水迹難以分明四海之衆不可誣宜博求  
能浚川疏河者時莫有應書待詔賈讓奏言治河有上

中下策古者立國居民疆理土地必遺川澤之分度水  
勢所不及大川無防小水得入陂障卑下以爲汙澤使  
秋水多得有所休息左右游波寬緩而不迫又曰隄防  
之作近起戰國雍防百川各以自利齊與趙魏以河爲  
竟趙魏頻山齊地卑下作隄去河二十五里河水東抵  
齊堤則西泛趙魏趙魏亦爲隄去河二十五里雖非其  
正水尚有所遊盪時至而去則填淤肥美民耕田之或  
久無害稍築室宅遂成聚落大水時至漂沒則更起隄  
防以自救稍去其城郭排水澤而居之湛溺自其宜也  
今隄防陋者去水數百步遠者數里黎陽今滑縣東郡魏

界故大堤之內復有隄數重民居其間此皆前世所排也  
也大抵讓之三策其上策徙冀州之民當水衝者決黎  
陽遮害亭放河使北入海中策多穿漕渠於冀州地使  
民得以溉田分殺水怒下策繕完故隄增卑倍薄勞費  
無已數逢其害讓之此言千古傳爲名論然自明中葉迄本朝百年以來歷名臣潘季馴靳  
輔所條奏施行大都不出於固隄束水用水攻沙皆出於讓之下策至其上中二策則斷斷不可行何則所云  
出數年治河之費以業所徙之民若水已大至則遷徙不及若水未至而欲民一旦去其祖宗父母之墳墓使  
異日沉於水底於情則不順於理爲非宜至云多開漕渠則河不兩行支河一開正流必奪徒令河益淤澱決  
潰益甚耳此蓋古今之異  
王莽始建國三年河決魏郡  
勢不可行於今日者也

泛清河平原濟南至千乘入海

今高苑卽禹時  
滌入海之處

水經所

稱河水者是也河雖徙自周定王時而東光以下至章武入海猶是徒駭之故道至是始改徙千乘入海禹迹蕩然矣後漢永平十二年因汴流東侵遣王景修渠築隄自滎陽東至千乘海口景乃鑿山開澗防遏衝要疏決壅積十里立一水門令更相洄注於是河汴分流復其舊迹魏晉南北朝河之利害不可得聞而終唐世絕少河患見於史者惟薛平蕭倣二事雖曰唐土德少河患又天寶後河朔竊據縱有河事不稟朝廷然禹功旣壞河不久輒徙獨東漢之河垂千歲而後變則王景之烈不可誣也梁龍德三年段凝以唐兵漸逼乃自酸棗



決河東注於鄆以限唐兵決口日大爲曹濮患塞之後  
壞周顯德初大決東平之楊劉命李穀領護刻期就功  
自梁迄周滑澶鄭衛河屢告決宋以後河患增劇難悉  
紀聊紀其遷徙及羨溢之大者太祖建隆間嘗遣韓重  
賁曹翰等護役河之決於澶隸鄆滑宋者先後皆塞太  
宗興國八年河大決滑州東南流至彭城界入於淮真  
宗咸平三年河決鄆州浮鉅野入淮泗天禧三年滑州  
河溢注梁山泊又合清水古汴渠東入于淮尋皆塞此  
則河駸駸有奪淮之勢而宋人不知早圖方倡爲回河  
之議悲夫先是李垂上導河形勢書大畧欲自汲郡東

推禹故道挾御河出大伾上陽太行三山間復西河故  
瀆又欲自滑州而北以漸派爲六渠導入漳水滹沱易  
水以入于海議格不行至是垂復請自衛州東界曹公  
所開運渠東五里河北岸凸處就岸實土堅處引之正  
北稍東十三里破伯禹古堤注裴家潭逕牧馬陂又正  
東稍北四十里鑿大伾西山醜爲二渠一逼大伾南足  
決古隄正東八里復澶淵舊道一通通利軍城北曲河  
口至大禹所導西河故瀆正北稍東五里開南北大堤  
又東七里入澶淵舊道與南渠合如是則北載之高地  
滑州之水不治自涸矣議復寢仁宗景祐元年河決澶

州橫隴埽遂爲大河經流慶歷八年河決澶州商胡埽

而橫隴流斷皇祐元年河合永濟渠注乾寧軍

今青縣入

海是謂北流李仲昌議自商胡河穿六塔渠入橫隴故  
道一夕復決嘉祐五年河流派於魏之第六埽遂爲二  
股自魏恩東至德滄入海是謂東流二流迭爲開閉神  
宗熙寧初專欲導東流閉北流十年河大決於澶州北  
流斷絕河道南徙東匯於梁山張澤灤分爲二派一合  
南清河入於淮一合北清河入於海遣使塞之自漢以  
來河之亂淮者屢矣然不久卽北去清口至雲梯關獨  
爲淮水經流耳哲宗元祐初文彥博吳安持主東流蘇

轍范純仁主北流紹聖元年河竟北流元符二年東流  
斷絕宋南渡後河入金境宋史謂始自滑臺大伾兩經  
汎溢復禹迹之舊一時建議者必欲回復故流竭天下  
之力屢塞屢決至南渡後貽其禍於金源氏是也金章

宗明昌五年

實宋光宗之  
紹熙五年

河決陽武故隄灌封邱而東

注梁山濼分爲二派一由北清河

卽大清河

入海一由南清

河

卽泗水

入淮而汲胙之流遂絕其去禹迹益遠矣元世

祖至元中河決開封十五處其後河徙出陽武縣南新  
鄉之流亦絕二十六年會通河成北汜漸微成宗大德  
二年築決口九十六所塞河之役無歲無之順帝至正

開河決白茅堤又決金堤賈魯建言請疏南河塞北河

十一年命魯與繕凡八月功成歐陽原功撰至正河防

記其畧曰治河一也有疏濬塞三者之異灑其流因而  
導之曰疏去其淤因而深之曰濬抑其暴因而扼之  
曰塞而疏濬之別又有四曰生地曰故道曰河身曰減  
水河生地有直有紆因其直而鑿之可就故道故道有  
高卑高者平之以趨卑高卑相就則不塞不濶河身有  
廣陋陋難受水水益悍故以計開之廣難爲岸岸善圯  
故以計禦之減水河者水放曠則以制其狂水驟突則  
以殺其怒治隄一也有新築修築補築之異有剗水隄  
截河堤護岸隄縷水隄石船隄之等治埽一也有岸埽  
水埽龍尾欄頭馬頭等埽其爲埽臺及堆卷牽制蘊掛  
之法有用土用石用鐵用草用木用礮用繩之方塞河  
一也有缺口有豁口有龍口缺口者已成川豁口者舊  
害爲水所豁水退則口下於隄水漲則溢出於口龍口  
者水之所會自新河入故道之派也其沒故道深廣不  
等曰停曰折者用古筭法因此推彼知其勢之低昂相  
準折而取勻停也又有龍尾大埽管心索水簾梳種種

名色其餘若木龍盤樣麥楷鉄又麻搭火鈎汲水貯水等具皆有成數官吏俸給軍民衣糧工錢醫藥祭祀賑恤驛置馬乘及運竹木沉船渡船下椿等工鐵石竹木繩索等匠傭資兼和買民地爲河併應用雜物等價通計用中統鈔百八十四萬五千貫有奇魯習知河事故其功之所就如此觀元所記前代治河者未有如賈魯之詳且原功又稱魯能竭其心思知計之巧乘其精神密者也膽氣之壯不惜劬勞不畏譏評以報君相知人之明此實錄非溢美也然魯爲會通所窘河必不可北其所復者仍是東南入淮之故道耳明太祖洪武二十四年河決原武經潁壽全入於淮二十五年河決陽武發軍民修築河防宋濂治河議曰比歲河決不治以中原之地平曠夷衍無洞庭彭蠡以爲之滙故河常橫潰非多爲

之委以殺其流未可以力勝也又謂宜分其半使之北流以殺其力永樂九年河南浚黃河故道正統十三年河徙開封西北滎澤縣入汴河至壽州入淮七月河又決滎陽過開封陳留自亳入渦口至懷遠入淮大抵黃入淮多由潁亳壽同出清口入海非如後來至清口始會也宏治四年河決蘭陽五年復決金龍等口又決張秋命劉大夏作治一浚孫家渡口由中牟至潁州東入於淮一浚四府營淤河由陳留至歸德分爲二派一由宿遷小河口入淮一由亳州渦河入淮初河南諸口之塞惟黃陵岡最難旣塞之後築隄三重以護之又築長

隄荆隆口之東西各二百餘里黃陵岡東西各三百餘里起武陟縣直抵碭沛名曰太行隄俾河恒南行而北派流絕自是以後以一淮受全河之水淮安一郡實當兩河之尾閭遂爲保障重地云正德四年河決曹縣楊家口給事中張仝程云清河縣志云大清河由治東北入於淮小清河由治東南入淮並未載有黃由清河合淮據土人云正德以前黃由老黃河故道入海緣武宗南幸挽水行舟黃始達於清口于是自汴城下徐州經邳宿至桃源三義鎮入黃家嘴達清河縣後會淮流經山陽縣界內至安東下雲梯關嘉靖初年三義口淤塞



河流南徙清河縣前與淮水交會於小清口此卽今日  
現行交會之所也嘉靖六年黃綰疏言河患無已請於  
兗冀間求兩高中低卽中條北條所交者浚之使北至  
直沽入海乃免墊沒至漕河泉源皆發山東不必資於  
黃河若南旺馬腸樊村安山諸湖實諸泉鍾聚之所宜  
倍加修浚胡世寧疏言河自汴以來南分二道一出汴  
城西滎澤經陳潁至壽入淮一出汴城東祥符經陳留  
亳州至懷遠入淮其東南一道自歸德宿州經虹縣睢  
寧至宿遷出其東分五道一自長垣曹鄆至陽穀出一  
自曹州雙河口至魚臺出一自儀封歸德至徐州小浮

橋出一由沛縣南飛雲橋出一自徐沛中境山北溜溝  
出六路皆入漕河而總南入淮今諸道皆塞僅存沛縣  
一道宜因故道開浚以分其勢三十二年黃淮二水冲  
開草灣河先是黃河自徐邳至清河會淮由清江浦邊  
鉢池山後至西橋掃灣經淮安新城北門由柳浦灣過  
安東縣前至雲梯關九十里入海至是冲開草灣河在  
郡治北二十餘里獨流四十餘里仍會入大河自嘉靖  
五年後上流屢塞屢決中更章拯盛應期李緋戴時宗  
朱裳于湛胡纘宗王以旂詹翰曾鈞諸大臣治弗效四  
十四年始命僉都御史潘季馴總理河道季馴請接濟

留城舊河尋以憂去隆慶三年河溢決淮安方信二壩平地水深丈餘自清河縣至通濟倉闢及郡城西北淤者三十餘里四年起潘季馴總理河道築塞諸決口大疏老河故道八十里未幾給事中雒遵以運船漂沒劾之奪職萬歷元年又開草灣河自安東縣後至金城五港入海三年河從崔鎮等口北決六年復起潘季馴總理河漕上經理兩河疏塞決口以挽正河築隄防以杜潰決復開壩以防外河建滾水壩以固隄岸止濬海口以免糜費寢老黃河之議以仍利涉又上河工事宜疏議支放議分督議責成議激勸議優恤議蠲免議改折

議息浮言悉如所請七年十月河工告成凡築土堤以億計石隄以數千計塞決口以百計浚河淤淺以萬計開壩之屬創以數十計方其初受事也議論紛起皆不可行季馴惟一意塞決築堤建減壩蓋築塞似爲阻水而不知力不專則沙不刷阻之者乃所以疏之也合流似爲益水而不知力不大則沙不滌益之者乃所以殺之也旁溢則水散而淺返正則水束而深水行河面則見其高水行河底則見其卑每歲修防不失卽此便爲永圖借水攻沙以水治水如此而已八年改季馴爲南京兵部尚書十四年五月河決范家口水灌淮城全河

幾奪又決天妃壩福興漸淤遣科臣常居敬督塞之

范家

口離城十五里與劉伶臺毘連東近南灣柳浦灣西近溝頭菊花莊南近石塘萬歷間爲黃河險決今爲民田

矣

十五年河決祥符劉獸醫口十餘處十六年復以潘

季馴總督河道

第四任

條上河工八事一久任部臣一責

成長令一禁調官夫一預定工料一立法增築一添設

隄官一加幫真土一接築舊隄部議允行又請罷開復

黃河故道及鑿支渠合沁衛諸議又請罷瞿家營支河

工又言黃河與清淮迥異黃性悍而質濁先臣張仲義

云河水一石六斗泥以四斗之水載六斗之泥非極湍

悍汎溜不可分則勢緩勢緩則沙停沙停則河飽河飽

則水溢水溢則隄決隄決則河爲平陸而民生昏墊國  
計梗阻皆由此矣故治河惟有慎守河隄嚴防冲決舍  
此而別興無益之工卽爲勞民別爲無益之費卽爲傷  
財總之在於得人而已十七年再上河工告成疏築石  
隄七千餘丈土隄一萬三千丈榆笆工隄六千二百餘  
丈草壩十四座石磯嘴三座挑濬上下河道長一萬一  
千餘丈塞決口一百二丈十八年上隄防告成疏言禹  
貢九澤旣陂陂卽隄也舍隄之外別無所以防河者遙  
隄約攔水勢取其易守也而遙隄之內復築格隄慮決  
水順隄而下亦可成河欲其遇格卽止也縷隄拘束河

流取其衝刷也而縷隄之內復築月隄恐縷逼河流難

免衝決欲其遇月即止也歲歲修之歲歲此河也世世

守之世世此河也其河防險要最切淮郡者錄於後一

歲防清江浦外河

內外相隔僅同一線河勢湍急迎溜  
埽灣捲岸護岸名曰雜嘴冬春幫護

深下密椿用石  
甃砌方為永久

一議守徐家壩

二潰交流大折於此冲  
决怒號無異西橋預備

物料巡  
視綜理

一歲守淮城北岸遙隄

起柳浦灣至於高嶺一  
城北外捍殊為喫緊

歲守桃源馬廠坡橫隄

慮黃漲從此入淮而淮淤淮漲  
從此洩出而清口弱築隄遏之

最關緊要皆屬淮郡境內之河防也又有所謂修守事宜者

附後一築隄

隄離岸須二三百里切勿逼水致易决高卑  
因勢而低昂之取真正老土高五寸即夯

杵取土忌傍隄驗隄用鐵錐  
筒探之隄式貴敦忌陡峻

一塞决

隄初决時急將兩  
頭下埽包裹看守

水稍平卽從兩頭接築水勢洶湧頭裏不住卽堤後退  
數丈它槽下埽如又不住於上首築逼水大壩分水勢  
射對岸塞將完合口最難用頭細尾粗埽俾上水口潤  
下水口收不致滾失埽以土爲主埽臺須臥羊坡便推  
挽揪頭繩要緊扯防下淌仍覓一下護根乾埽凡堤埽  
人入水驗底埽着地方下簽椿一栽柳護堤卧柳長柳兼栽  
乾埽衛隄根埽須土多料一栽柳護堤卧柳用核挑大  
少簽椿用長壯入地稍深一栽柳護堤卧柳用核挑大  
者入地二尺餘出地二三寸柳去堤址二三尺密栽俾  
枝葉禦浪長柳距隄五六尺旣擇水且可供埽料宜冬  
春交栽之一栽菱葦草子護堤堤臨水者隄下密栽蘆  
時常澆灌一栽菱葦草子護堤葦或菱草俱掘連根栽  
係潤丈許將來衍苗可禦浪隄根至面四防一曰晝防  
孫草子乘春初密種雨淋不刷土矣  
督守隄人夫每日捲土牛小埽聽用隨刷損卽修補毋  
使崩卸暇則督令取土堆積隄上若子隄然備不時之  
需二曰夜防黃夜無防未免失事置立五更牌管工官  
照更挨發各舖傳遞稽遲卽查究隄岸不  
斷人行自三曰風防督隄夫細扎龍尾小埽擺列隄面  
不誤巡守如風浪大作將埽用繩椿懸繫附

可防



堤水面足  
以護衛

四曰雨防

督夫役各置斗笠蓑衣遇有大雨皆穿帶堤面擺立時時巡視

守一曰官守

河漲時須添官協守分巡隄三里每夫三十名每夫守隄十八丈宜責夫二名

共一段搭窩舖燈籠夜棲止巡視

二曰民守

舖有夫三十名預備

添鄉夫十名水發併力協守

凡此治法詳見河防一覽大抵季馴以

故道必不可失濁流必不可分海口必不可浚如欲別

鑿新河人力能使闊百丈以至二百丈深二丈以至三

四丈如故河乎且舊則淤新則不淤乎分流誠能殺勢

然可行於清水之河非所行於黃河也黃流最濁以斗

計之沙居其六非極汎溜必致停滯水分則勢緩勢緩

則沙停沙停則河塞河不兩行自古記之支河一開正

河必奪至兩河滔滔東下迭溜湍激海口果塞所消之水何往耶嘗親往海口閱視寬者十四五里窄者五六百丈早暮兩潮疏濬者何處駐足若另闢一口何能深廣如舊故治河要訣不過築隄束水借水攻沙隄堅而水自不潰沙刷而水自無停斯運道不求通而自通海口不求浚而自浚二十年季馴屢以老病辭以舒應龍繼治之先是草灣河通塞不常十七年奪正河十分之七至赤晏廟仍歸大河居民恃以爲安後河流日漸寬廣反成正河而城北舊日大流漸就堙塞二十一年河決汶上魚臺濟甯鉅野單縣等處二十三年總河楊一

魁等題准分黃導淮分黃則於清河之上黃家壩開河  
歷山陽至安東五港灌口約三百餘里入海以抑黃強  
導淮則於武家墩建閘引淮水達涇河下射陽湖入海  
於高良澗周家橋建減水壩一由岔河下涇河一由草  
子湖寶應湖下子嬰溝俱通廣洋湖入海又闢金灣芒  
稻新渠入江時一魁反季馴所爲二十五年河決黃壩  
口河南徙徐邳復見清泗二十六年黃淮交泛安東水  
二十九年河決蕭家口三十年河決蒙牆寺楊一魁削  
籍三十一年總河曾如春開王家口王家口在清河對  
岸一夕水漲衝魚臺單縣豐沛間全河北徙天啟元年

河決靈璧淮安霪雨連旬黃淮暴漲山陽裏河則決王  
公祠楊家廟清江浦磨盤莊謝家墩鳳直二廠外河則  
決安樂鄉顏家莊張家窪高堰武家墩清河則決龍王  
廟徐家路水灌淮安新聯二城小民蟻城而居城外漚  
成巨浸總河陳道亨塞之三年山陽外河決乾溝新河  
等處淮海道宋統殷築塞更於清口大王廟分水處建  
磯嘴以遏上流之勢崇禎四年河決原武封邱黃淮交  
漲河決建義諸口下灌興化鹽城村落盡漂沒又決山  
陽縣新溝口蘇家嘴五年又決蘇嘴建義入射陽湖黃  
河漫漲淮屬盡淹沒十五年賊圍大梁決朱家塞灌城

南入於渦於是河南一帶流緩沙停河身淤澱之禍實  
基於此近代河道之大概也

論曰禹之明德遠矣江淮濟三瀆故道順軌振古不  
遷獨河以人鑿私智竇渠引潰防川善崩而尾閭壅  
噎此河之所以披猖而作難也然猶歷千六百餘年  
始改經流自是陽侯肆虐遠者數十百年近者數年  
羨溢爲災入海之口由章武而千乘而乾寧雖漸遠  
禹跡大抵未離乎勃海於以上應天文下協地紀其  
變猶未甚也明昌以後奪濟亂淮並爲二瀆騰踔益  
烈矣修防之法代有幹濟規求繕治史冊多可考然

宋以前利用疏勝國以後利用防河自封邱而東土  
疏沙壅非治堤束水以水攻沙下淤上潰不能免也  
此河防一覽後世不得不奉爲碩畫云

淮安府志河渠叙

黃水

國朝河防紀要

治河於往代易於近世難而在淮郡則難之尤難宋元以前黃淮兩河利於分而合則其變滋大勝國以後黃淮利於合而分則非人力所能且其勢有所不可何則

國朝踵明制定鼎燕京漕輓東南數百萬粟勢不得不資黃濟運則黃不可使之北不得不用淮刷黃則淮又不可使之東故治淮所以治黃治黃淮卽所以治運而淮郡實爲其扼束故治河之法較之他處其難

百倍恭惟

聖祖仁皇帝聰明天縱洞精水理三勤

鑒輅觀覽形勢凡所

指授輒奏平成

世宗憲皇帝仰遵

先旨不吝百萬帑金大修高堰今

皇上治益求治屢遣重臣經畫灑沉濬災迄今兩河順軌漕

艘揚帆如行枕席上尅期往返淮揚千里桑麻鬱然

蓋太平清晏之功百餘年矣猗歟休哉志

國朝河防紀要第六



順治元年河復故道自明末寇決汴梁開封以下水緩沙停河身淤墊二年河決考城流通口總河楊方興塞之五年河決蘭陽七年河決封邱荊隆口九年河決封邱朱源寨全河北徙又決大王廟口又決邳州十一年大王廟決口塞大王廟逼近荊隆口自荊隆決後下流河身淤澱及大王廟又決下流益淤雖河身尚深數丈然逐漸澱高向後下流易決實由於此十四年河決祥符槐疙疸是年河南徙十五年河決山陽之柴溝姚家灣塞之十七年塞槐疙疸口康熙元年河決曹縣之石香爐又決武陟之大村中牟之黃練集卽堵塞四年河

決安東茆良口六年河決桃源之烟墩次年堵塞七年  
又決桃源之黃家嘴塞之又決清河之三義壩八年河  
決清河三汊口九年河決清河縣王家營等處十年總  
河王光裕題報安東茆良諸決口就塞然黃河故道愈  
淤雲梯關海口積沙成灘亘二十餘里河迂迴從東北  
入海是年河決桃源之陳家樓七里溝塞之又決清河  
五堡堤十二年河決桃源新莊口並王家營十四年河  
決徐州潘家堂宿遷蔡家樓塞之河決清河入城十五  
年塞桃源新莊口河決宿遷之白洋河于家岡又決清  
河之張家莊王家營安東之邢家口二舖口山陽之羅

家口夏家口呂家口洪家口賈家口時高堰亦倒卸三十餘處高郵江都漕堤共決三百餘丈

上以河道敝壞已極于是罷總河王光裕以安徽巡撫靳輔督治之河決楊家莊是時河流僅一線故道竟成平陸乃上經理河工事宜八疏輔之治河以爲必當審其全局將河道運道爲一體徹首尾而合治之而後可無弊運道之阻塞率由河道之變遷而河道之變遷總由議治河者盡力于漕艘經行之地視他決口以爲無關運道不知決口多則水勢分而流緩流緩則沙停底墊而運道因之日梗原委相關不容歧視黃河裹沙而行

水大則流急而沙隨水去河身深而百川有所歸水小則流緩而沙隨水停河底高而旁溢無底止故黃河之沙全賴各處清水併力助刷今河所以日淺者自順治十六年歸仁堤決睢湖水悉由決口侵淮不入黃刷沙致黃從小河口白洋河逆灌沙淤康熙六七年間黃淮并漲黃漲而王家營邢家口二鋪口等處衝潰矣淮漲而古溝翟壩等處衝潰矣黃水由決口四漫者多而由雲梯關外入海者少淮水由高寶湖射運河淹七州縣田者多而赴清口會黃者少河淮俱分洩以致流緩沙停海口墊淤迨康熙十五年清口身高淮水並力東激

又決口數十處而涓滴不出清口黃水衝決各口復灌  
入爛泥淺合淮水奔清水潭黃河淤運河亦淤不大爲  
修治不特洪澤漸成陸城將南而運河東而清江浦以  
下淤沙日甚而黃無去路河南山東二省有輪胥沉溺  
之憂修舉情形有必當師古有必當酌今者詳見奏疏  
遂請發帑二百五十餘萬兩先於清江浦以下歷雲梯  
關至海口一帶河身兩傍各挑引河一道以待衝刷合  
爲一河卽以所浚之土築堤九萬五千四百丈又於雲  
梯關外築堤二萬八千八百丈以束水又用鐵埽帚等  
器加浚河身并浚海口以導黃入海下流旣疏遂塞山

陽縣及清安二縣決口九處

張家莊王家營邢家口二舖口羅家口夏家口呂家

口洪家口

創建減水壩十餘座

清河王家營張家庄宿遷朱家營溫州廟欄馬

資家口

河歸仁堤桃源古城安東茆良口徐州毛城舖築清河大谷山邳州萬家庄馬庄集等處以宜洩異漲

以上至徐州四百里遙堤十九年黃淮並漲率賴下流

疏濬隄防鞏固不爲大患云二十年塞楊家莊決口二

十一年河決宿遷之徐家灣塞之又決宿遷蕭家渡大

修兩河千里隄工告竣有藩司崔維雅著河防書疏論

靳輔之非

召輔陞見輔廷辨雅語塞

上建輔議令卒功二十二年上加修善後工程疏是年塞蕭

家渡口全河歸故道十月

聖祖仁皇帝南巡閱工遣官致祭河神賜輔

御製五言律詩一首

奉有河道已成宜用心善後事宜之

旨二十六年輔罷任三十一年復以靳輔總督河道疏陳兩

河善後之策及河工守成事宜尋以病求罷按靳文襄

公行水之法治綦廣矣備矣謹錄其梗槩而櫟括之一

曰開浚引河

引河之用有三一則曰引水以濟運也蓋河當極敞之後黃流悉從各決口旁注其

正流一線會不足以方舟則不得不鑿之使寬而後運艘可浮也一則曰預浚以迎溜也河身既積為平陸矣而土有磽坳之不齊者又懼將來黃流歸故之日或淤而他潰或濬而渟淤也故必相度形勢預開一渠以迎

之務令水至歸渠成其湍迅之勢則刷沙有力而亦無  
歧出之他虞矣一則曰挽險以保堤也河性猛烈其順  
流而下也則藉其猛以刷沙而河受其益其橫突而衝  
也則堵其猛以觸岸而堤受其傷方其倏左倏右衝突  
激射之時被衝之隄危於累卵是宜酌左右之中急開  
一渠一面將衝突之處迅行堵堵一面挽所衝之溜頭  
引入中流以奪其勢而後彼堤可保故曰其用有三也  
但三者之用雖有不同然度上下高卑之數以定挑挖  
之淺深驗土性淤鬆之殊以酌渠路之去取一曰浚築  
凡此皆屬利導之要則又勢異而理同者也一曰浚築  
雲梯關關在清口之下二百餘里黃淮俱從此關以出  
矣特未察所以壅積之故率因關外之土原屬坪廠漫  
灘以致出關之水亦隨地散漫散漫則流緩流緩則沙  
停是以如是其壅積耳公既悉其故因念水不歸一則  
力不厚力不厚則溜不急溜不急則沙必停欲救其弊  
非築堤束水不可如是創築土堤凡一萬八千餘丈夫  
然後水就束於堤內一往急溜刷沙有力海口停積之  
弊去而尾一堵築決口康熙十六年以前黃河兩岸決  
口二十一處南北運河及高堰  
開始通矣



等處決口七十一處前此率旋堵旋決或堵東決西爲  
愚公乃以水平法測地形之高卑衡水勢之順逆相機  
下埽凡埽之大小邊幫底奎丁順之制以及物料之輕  
重堅脆無不精晰畢當故費不糜而工克濟焉其在南  
運河者自堵高堰清永潭後餘者固已漸次竣築矣其  
在黃河者決口有大小則堵塞有難易人無不以先難  
後易應先堵楊莊爲說公則先堵小者小口堵畢而後  
一力以堵楊莊於是用工既專而又無小口刷大之患  
至於徐灣蕭渡之決人莫不爲公危者公又謂久淤之  
河原不能求通於一旦惟有盡人力以求其心成而已  
每遇決潰之頃皆安心靜氣以臨之果三  
堵而後告成焉人無不歎服其智量也  
一曰建減水  
壩淮局三十年以前之黃河廣闊各二三百丈水卑於  
岸者丈餘河底復窪四五丈不等寬深如是以雖  
有萬餘里之洪濤猝至足以容納而無患也自淤成平  
陸之後雖竭疏浚之力挽歸故道然欲其驟爲刷深而  
容納如故理所必無也夫旣不能容而又不可有所洩  
則急漲奔流者勢必橫衝四潰矣公乃以推測土方之  
法移而推測水方其法以上流之寬深準下流之淺窄  
量入爲出以洩之然漕中之水又必須留以潴沙而後  
淮安府志

可冀其日剝則其間應留應洩之數又不可不斟酌至當也公爲之審度地宜於黃河兩岸建減水閘壩十餘座且酌定高卑之數旣可以洩所應洩又可以留所應留是以上游奔赴之水一及閘壩則即可洩其餘漲而不至於衝崩其正流之在清者未及閘壩則仍有所蓄使其力可刷沙而不至於緩弱夫然後堤工旣可保固而河身又可日深是乃拯一曰堅築隄工舊矣然堅則難摧瑕則易毀故公之督築也必令選擇淤土每覆土一尺卽夯碾三回築畢用鐵鎚杵孔沃以水水不滲漏爲度然亦有純淤土而水漏者則其土必大堅鎚不易入且土必龜坼爲驗不一律繩也臨水之面坡必坦而坡面必令蕃菲草以蓋之蓋以草能柔水性而坦坡又可免風浪之擊也然仙不稱則工易偷故取土有遠近而遠者則有增焉又土方之數有堅實鬆浮之辨浮者每下土一方堆成上土一方相去無幾實者下土一方僅築上土七分故堅實者亦有增焉且過冬時或挑土於水中而以河土築堤也慮夫之寒則體有皮褲皮鞋之具暖有火酒薑漿之助遇溽暑慮穢蒸而易病也則廣備靈砂萬應玉樞等丹藥以濟之是以投膠挾纊之

成役數千萬人無不甘心  
者而堤工用以益堅云  
一曰改增官守  
先是河官之制設分司四

員以部郎領其事三年一易以爲常夫部郎之親民也  
視郡邑爲有間舉事率格滯而未決且以其年之有限  
也往往履任之初多乖迕及車輕路熟則又以瓜期去  
人多嗟惜焉公愆是疏請撤部郎而權歸郡丞且令監  
司統轄之丞之於郡邑也呼吸爲一氣事易集且遷其  
諱練者以名聞及受事綿其歲月責其成功夫是以吏  
習民安而政克舉焉至於大工繁靡一時並舉爲尤劇  
公又題設監理分管諸員盡疆別務以任之俾各治所  
事各展所長日謀其最布公信而行黜陟於俄頃故  
羣心悅服效忠者衆蓋功之成也其又有鼓舞之神乎  
一曰設立河營  
舊制沿河堤岸皆額設河夫以供修防之役然率張虛數臨時倩應故名存實亡而工因以廢也公欲立綜覈之法專責成考功過而鼓舞之於是以兵法部署疏請設兵夫八營令其亡故除補有報逐日力作有程而虛實無遜情且營以守備領之遞爲千把總凡官若兵與部丞河衙佐雜各文職皆盡驅而守無冒無諉而責成以專威則陟否則黜而功過以明人無不鼓舞盡力者且揆時度務東工劇則

謂西營協應之呼應既靈而緩急有濟其  
於畚鍤也較額夫之舊制爲有實益云  
三十九年以

兩江總督張鵬翮總督河道疏言一總河之責任宜專  
一河工隨帶之人員宜撤一部臣之不宜掣肘先是河  
臣董安國創築攔黃壩另開馬家港口致入海之路涓  
涓細流上流易潰於是稟奉

指授方畧盡折攔黃壩以通海口加築挑水壩開陶莊引河  
以導黃汛北行加築堤岸以固隄防塞時家馬頭以杜  
黃水旁溢開王家營減壩挑鹽河以洩清黃異漲挖戚  
字等引河逢灣取直以分水勢四十二年

聖祖仁皇帝南巡閱視河工

上諭吏工二部黃淮兩河關係運道民生最爲重要朕念  
治河國家大事夙夜屢懷未嘗少釋披圖咨衆雖已悉  
其源流顧水勢變遷不常必眞知洞悉方可實見施行  
是以不憚勤勞屢親巡閱察其險易之形勢審其疏導  
之機宜緩急次第具有成畫至於簡命河臣倚任甚切  
凡所屬官吏皆聽選用大修工程費以數百萬計歲修  
帑金亦以數十萬計乃康熙三十七年黃淮並漲總河  
董安國不堅築隄堰疏通海口因而河身墊高溢出河  
岸以致倒灌洪澤湖口湖水從六壩旁洩由運河入下  
河淹沒民田於是罷董安國以于成龍代之朕隨授以

治河方略詳加指示三十八年親往閱河駐蹕清口河干又面諭于成龍清口宜築挑水壩挑黃水使趨北岸方可免黃水倒灌之患隨指定其地再三申命于成龍不遵朕旨致無成功及用張鵬翮爲河道總督面諭云頃以發帑數百萬令大臣官員往高堰築隄閉六壩使逼洪澤湖水暢出清口而清口築挑水壩尤爲緊要此壩不築則黃水頂衝斷不能使向北岸湖水不得暢流張鵬翮遵朕言壩工築成黃溜遂直趨陶莊清水因以直出疊經伏秋大漲並無倒灌之事其浚張福口引河築歸仁隄疏人字芒稻涇澗等河開大通口皆遵朕旨

一一告竣今年春朕閱河至桃源見龍窩等處頂衝危  
險命增築挑水壩此壩工刻日訖事河勢遂平中河仲  
莊廂口以與清口相對特命改由楊家庄漕輓安流商  
民利濟曩時黃水泛漲或與岸平或漫溢四出今黃河  
深通河岸距水面丈餘縱遇大漲亦可無虞矣張鵬翮  
所修工程雖悉經朕裁斷而在河數載殫心宣力不辭  
艱瘁又清潔自持一應錢糧俱實用於河工無纖毫浮  
耗朕心深爲喜悅所屬大小河員並皆勉力赴工共襄  
河務亦屬可嘉自總河以下各官爾二部卽詳加議叙  
具奏

御製河臣箴又

指示建築烟墩張家莊九里舊龍門半路劉挑水壩六座公

著有河防志謹錄修防事宜捲埽下埽法於後凡應用

長十丈八丈者方穩高一丈者埽臺寬七丈方捲得緊如遇堤頂狹者架木平堤名軟埽臺先將柳枝細成埽心拴束充心繩揪頭繩取蘆柴黃亮者綯打小綯繫埽心上每丈下鋪滾肚麻繩一條不必用麻者用蘆纜又將大蘆纜二條行繩一條密鋪小腰上鋪草爲筋柳爲骨柳不足用柴代之均勻鋪平需夫五六十名長十丈者需夫五六百名用勇健熟諳埽總二名一執旗招呼一鳴鑼鼓衆力牽拉細捲後用竿桿截堆埽將臨岸將小腰均束於埽埽岸上每丈釘留樞二根將滾肚繩挽於留樞上每揪頭繩一根亦釘留樞一根看水勢之緩急定揪頭繩之多寡漸次將埽推入水中將樞頭滾肚用活扣結留樞上然後慢慢壓土俟埽將次沉下然後下椿每丈用一尺八寸木一根若水勢湍激頂衝埽灣並合龍之埽須用大木每丈用料物細數照現行工部



則例 黃河內下埽法 凡黃河內埽工有修防有救險有

水勢退消驗查舊埽傾畝者蠶眉者卑矮者朽爛者須

將舊埽清消平妥相機補下層層簽釘大椿照依大汛

漲痕高出數尺一律下成順埽薄敷以土俟蟄定方下

丁頭埽若埽未蟄實卽下丁頭埽前順埽一有蟄陷別

河添壓大埽長椿靠堤急清舊埽恐爲滙崖填以軟草

將西傍安穩之埽亦補下大椿勿使走動其搶險因舊

埽朽爛或頂衝急溜埽下衝空舊埽全去水滙崖岸舊

堤埽卸炭炭堪虞搶險工程事有先後埽有緩急若候

下埽一埽誤釘一椿反致逆溜衝刷舊堤欲去不能每致

債事須責久慣埽手或熟諳人員令其度量穩妥然後

急爲接下埽箇晝夜搶下舊堤無虞兩旁之埽平穩矣

新坡險工每於舊險工上下黃河大溜衝至埽傍舊堤

埽坡內以柳柴次則枯草椿必長大繩須堅實至於壓土

非比清小埽箇黃水一入埽中卽泥沙停滯壓土太厚

反恐敲卽俗云下埽無法全憑黃河塞決之法凡黃河

土壓者乃是言清水之埽也 可防

必急計裏頭及急計堵塞初時水勢洶湧未可與爭看其出口急溜若有奪淮情形須建挑水壩以遏其勢上流挑挖引河以挽其流速運積物料物料積矣猶在得時時可堵矣裏頭舊堤務多下邊壩堅固停妥然後逐漸進壩壩不可緩緩恐決口漸深又不可急急恐下壩有失壩欲其大而長捲壩首重於繩纜其揪頭滾心滾肚必須長壯務使繩勝壩莫使壩勝繩壩既下薄用土壓壩將沉水方釘簽椿再加套壩椿亦必須長大計壩將到底方可再進沉水將次合龍之際須查在工料物必須多積須防合龍後必有一大壩陷凡合龍後復開決者率因壩陷故也合龍時晝夜兼工堵塞遇有毛道過水或椿頂不平或壩手作弊須急為壓土使其平實於罅隙用稻草紅草塞之務使斷流若涓涓不息漸至壩陷至決口初開不係頂衝出口勢緩去口平散不必急計堵塞久之率建築挑水壩之法凡黃河迎溜之處多掛口淤墊也建築挑水壩之法宜建挑水壩又名順水又名磯嘴又名馬頭其功最大如清河縣境內運口每為黃水急溜直逼十家汪閘欄清水不得暢出致運口淤墊陶家莊引河數挑不成仰道指示於運口遙西築挑水壩一座將黃水挑逼北徙清

水得以暢出陶莊引河得以成功凡遇險工照式築之  
裨益非小建築之法塌欲其寬不可甚長須做雁翅邊  
埽順上流勿使埽頭逆溜離堤遠者須接挑挖引河  
築格堤以防異漲時黃水溢壩後衝刷之虞挑挖引河  
法挑引河之法審勢貴迎溜而施功宜深濶俟水大漲  
乘機開放則有一馮千里之勢太窄則受水無多遠  
難挽溜以入新河太淺則水不全趨勢緩易墊太短則  
水流不舒為正河所抑洄洑淤塞須六十丈或四十  
丈即窄亦須十餘丈長須二千丈或千餘丈即短亦須  
八九百丈方趨溜有勢而決又不可太直直則平緩  
而無波濤激之勢久亦決須隨黃河大勢開挑俾  
河頭迎溜河尾洩水中間勢急溜衝刷漸次河岸倒  
卸再於河頭築接水埽壩河尾築順水幫築隄工法凡  
埽壩對河築挑水埽壩房引河可成也幫築隄工法河  
道必築堤束水歸漕以防旁溢無論創築加幫總以老  
土為佳但黃河兩岸率多沙土恐難盡覓老土須於堤  
完後務尋老土蓋頂蓋邊栽種草根以禦雨淋衝汕築  
堤之法每土六寸行破歧縫處用夯堅築新舊堤交界  
用鐵杵力築層層夯礮期一  
律堅實以簽試不漏為度

雍正元年

命齊蘇勒總督河道是年築桃源縣黃河南岸胡家莊越隄  
又建清河縣河南岸清口束水壩二座三年河決朱家  
口四年塞朱家決口五年勦築桃源縣河南岸州墩越  
堤築清河縣王家營隄工幫山陽縣王公堤工七年建  
桃源縣沈家莊埽工加清河縣石人溝縷堤楊家莊王  
家營隄八年總河嵇曾筠疏請預備工料以資修守十  
年築阜甯縣北岸四套月隄十一年築山陽縣龔家營  
月隄阜甯縣徐家莊月隄十二年築安東縣王家馬頭  
險工築桃源安東阜甯縣陳家樓王家馬頭辛家蕩等  
處越堤以後詳見圖說內

海口 附

禹貢導黃導淮使入於海其經由之道不向河自積石至龍門而南自東之北礪爲九河入海淮出桐柏而東會沂泗又東以達於海自河徙砮礫南浮於淮至元間河始離故道賈魯力捍之自是淮河會合淮郡海口遂爲二瀆之尾閭矣明代以淮濟運黃躡之海口時有壅積靳文襄公建束水注海之法創築縷堤凡一萬八千餘丈使水束於堤內則一往奮迅刷沙有力然後海口停積之病去後總河董安國有攔黃壩之築扼海之吭而河患無已

聖主仁皇帝以淮揚昏墊屢次

巡幸河工時以疏通海口

訓示河臣及張文端公督河先盡拆攔黃壩改爲大通口而後或疏或濬次第施功海門大闊深廣倍前

世宗憲皇帝嘗

命大臣查視海口修范堤總河嵇文敏公又請築四套以下月堤隄防加密

今天子御宇以來發帑數十百萬大興下河水利使萬派朝

宗又

注念海口恐有淤淺時

命大臣會同督撫總河履勘講求深通之法已饑已溺之

聖心真與舜禹同揆矣考前代黃淮歸海之口卽在雲梯關  
今則關以下沮洳廣衍分十套十巨凡三百餘里地勢  
與時變遷傳記所載滄海桑田之說豈虛誕哉

淮安府志河渠叙

淮水

淮之關鍵在湖湖之關鍵在壩湖不欲其太弱太弱則黃能障清之出而清病清不刷黃而黃亦病太強則潰堰入運而運病運病而下河亦病黃且躡清口東注而黃亦病惟壩以節宣之不使其太弱太強則淮治淮治而黃亦治而運亦治唐宋以前淮之未與黃漚也清澈千尺口門迅駛盈涸蓄洩發舒自由後則藉清之力以刷黃又欲聚清之勢以保湖又欲挫清之怒以鞏運左支右絀爲清淮也難矣况黃沙壅



墊猓湖身於九仞懸水建瓴淮揚郡縣羅列井底吁  
可畏哉所幸 河隄使者仰遵

聖謨經畫周詳迄今石岸蜿蜒開壩啓閉中平窵會清口淮  
黃滔滔東逝余故採輯舊聞數千年利病之實大畧  
可觀矣志淮水第六

桐栢縣西胎簪山之陰有泉曰淮井伏流東二十餘丈  
泉眼遂多水羣出至縣城繞北門而東有山曰桐栢淮  
水出其南禹導淮自桐栢卽此也沂水出泰山郡蓋縣  
艾山今沂水縣西南入於泗泗水出魯國卞縣今泗水縣桃虛西  
北陪尾山源有泉四四泉俱導因以爲名過彭城至下

邳入淮所謂東會於泗沂也自桐栢過郡四

南陽汝南九江臨淮

行千八百里滙汝潁之水不止泗沂也至臨淮淮浦縣

今安東縣

入於海今淮水所行仍是禹之故迹但清口以北

爲黃水所占淮不得擅會泗之名清口以南黃挾淮而

行淮不得獨入於海矣春秋時滎陽下引河東南與濟

汝淮泗會則陰溝汧水鴻溝沙水澠水睢水諸川或自

入淮或由潁泗達淮而淮之所納者多漢桓帝永興二

年彭城泗水增長逆流建安五年廣陵太守陳登築高

加堰

潘邱劄記云高家堰不見於史僅見郡志余因考

三國志注登曾仕典農校尉乃巡土田之宜盡鑿  
既之利蓋精於水利者當時廣陵太守江表傳以爲治  
射陽則此堰由其密邇爲登築復奚疑獨怪自建安五

年至明永樂平江伯陳瑄修治時凡一千二百十五六年中間並無人云及高堰者豈湮廢無迹與抑堰止受洪澤諸湖黃淮尚未合而不聞其有潰決之患與及讀宋史司州參軍李孟傳加葺境內徐積墓修復陳公塘有灌溉之利陳公塘卽今高堰也堰固不乏修治第史文不備耳今水學云高家堰府志稱高加堰注云高加者爲凌運道邑井宜加高而名之蓋益加而益高耳按高堰去寶應高一丈八尺去高郵高二丈二尺高寶隄去興化泰州田高丈許或八九尺其去堰不啻高三丈有奇見潘宮保兩河議自明迄今又不知高幾許一有巨濶而淮揚兩府之城郭田廬皆在水底吁可畏哉

宋明帝泰始季年淮水竭梁

武帝天監六年春水生淮水暴長六七尺十三年作浮

山堰魏降人王足陳計堰淮水灌壽陽高祖然之假康

綯節都督淮上諸軍事並護堰作人及戰士有衆二十

萬於鍾離南起浮山北抵巉石依岸以築土合脊於中

流天監十四年堰將合淮水漂疾復決潰用鐵數千萬  
勛於堰所伐樹爲井幹填以巨石加土其上士卒死者  
十七八明年四月堰乃成其長九里下濶百四十丈九  
月淮堰壞其聲若雷聞三百里死者十餘萬口唐德宗  
貞元八年淮水溢平地七尺沒泗州城大中十二年淮  
南水大發自徐州流沒數萬家宋太祖開寶四年蔡州  
淮及白露舒汝廬穎五水並漲壞廬舍民田七年淮水  
暴漲入泗州城壞民舍太宗太平興國三年淮漲入泗  
州南城汴水又漲一丈塞州北門泗州南去淮一里歷  
咸平至祥符無歲不被水患景祐三年作外隄以備淮

水高三十三尺自是水患少弭

按宋景祐年間泗州作外堤三十三尺以捍淮

水而水患少弭今泗城沒于水但見雉堞耳是此三十三尺者盡沒水中由宋以後黃屢決入淮從洪澤湖出清口淮湖身爲沙墊高故泗城日見低窪耳

神宗熙寧四年開洪澤湖達於

淮元豐四年淮水泛漲命發運副使史公弼修泗州洪

澤湖高宗紹興二十二年淮溢數百里漂民田廬死者

尤衆孝宗淳熙十五年淮水溢廬濠楚州無爲安豐高

郵盱眙軍皆漂廬舍田稼光宗紹熙五年黃河決陽武

故隄灌封邱而東注梁山濼分爲二派一由北清河入

海一由南清河入淮自是以後淮又受黃河之水澎湃

浩渺爲暴滋甚然河之北流猶未絕也甯宗開禧元年

淮水溢淮東郡國楚州盱眙軍爲甚元仁宗延祐七年  
淮水溢安豐廬州損禾麥一萬頃順帝元統二年淮河  
漲淮安路山陽縣滿浦清岡等處民畜房舍多漂溺至  
元四年議修淮河隄堰明太祖洪武二十七年濬淮安  
山陽縣支家河水南入淮北通安東海州永樂八年工  
部啟修淮安府淮河隄岸以固大河衛城池皇太子從  
之按平江伯陳瑄于永樂年  
間大築高堰未知是何年正統二年淮水溢泛清河  
縣漂流房屋孳畜甚衆成化十三年淮水溢淮安所屬  
諸州縣壞官民屋舍淹沒人畜甚衆宏治六年劉大夏  
築黃陵岡隄河之北派流絕是後以一淮受全河之水

合二潰爲一東潰西決治河者有補偏救弊之方無一  
勞永逸之法矣正德十二年淮水泛漲衝決清隄淹沒  
人畜禾稼嘉靖二十九年漕臣奏黃河水決入淮下流  
壅塞勢必上溢爲陵寢憂乞開直河口通下流築二陳  
莊劉家溝二口以防衝決三十年淮水大溢淮安田地  
俱沙淤三十一年淮河大溢三十四年淮水溢隆慶三  
年淮水漲溢自清河縣至通濟閘及淮安府城西淤者  
三十餘里決方信二壩出海平地水深丈餘四年高家  
堰大潰時淮水東趨諸州縣漚爲巨浸淮城民不聊生  
黃河亦決崔鎮等處萬歷元年淮水暴發千里汪洋沒

室淹田瀬河民多溺死二年淮河並溢三年河從崔鎮等口北決淮從高家堰東決徐邳以下至淮南漂沒千里五年西河水發由高家堰一槩東漫南河工部郎中施天麟言淮泗之水原從清口會黃入海今不下清口而下山陽從黃浦口入海浦口不能盡洩浸淫漸及於高寶邵伯諸湖而湖隄盡沒則以淮泗本不入湖而今入湖故也淮泗之入湖者又緣清口向未淤塞而今淤塞故也清口之淤塞者又緣黃河淤澱日高淮水不得不讓河而南徙也蓋淮水併力敵黃勝負或亦相半自高家堰廢壞而清口之內傍通濟閘又開朱家等口引



淮水內灌於是淮泗之力分而黃河得以全力制其弊  
此清口所以獨淤於今歲也河身不挑則來年益高須  
不惜一年糧運不惜百萬帑藏開挑正河寬限責成高  
家堰朱家等口宜乘時築塞使淮泗并力足以敵黃興  
化鹽城海口湮塞之處大加疏浚而湖隄多建減水大  
閘堤下多開支河庶不致汗漫漕撫王宗沐築高家堰  
堤北自武家墩至石家莊計三十里爲丈五千四百隄  
面廣五丈底廣三丈而其高沿地地形高下大都俱不下  
一丈許又於大澗小澗等處築龍尾埽以遏奔衝堤內  
自澗口達張家莊濬舊河洩湖水便不侵嚙六年總河

潘季馴築高堰起武家墩經大小澗至阜甯湖長六十  
里內石堤三千一百一十丈以捍淮東侵築堤起清江  
浦沿鉢池山柳浦灣以制河南溢于是淮畢趨清口會  
大河入海海口不濬而通七年淮水溢平地高三丈八  
年高堰石工將興鄉官常三省等具揭言有妨祖陵季  
馴疏陳其舛謬不經三省坐阻撓奪職時有議罷范公  
舊堤勿修別開支河者巡鹽姜公璧言河口外高內下  
開支河則引倒流之潮闢私販之路不若修范公堤使  
內水不出外水不入外不損鹽竈之地內不傷耕植之  
田從之潘季馴條上河工八事

前五條  
言黃河

一添設隄官以

免遙制

查高堰隄增築幾百里而柳浦灣之堤起自清江浦以至載百戶營延袤一百三十餘里前設

高堰大使一員

顧此失彼范家口之決實由此也臣請

添設柳浦灣大使一員

住劄本堤要害去處應用夫役

哀五百與之

其高堰大使專管本堤各令晝夜一接築

巡邏遇汕卽補

庶地有專轄而功可責成矣

舊堤以防淤淺

清口乃黃淮交會之所運道必經之處稍有淺阻便非利涉但欲其通利須令

全淮之水盡由此出

則力能敵黃不爲沙壅往歲高堰潰決淮從東行清口遂爲平陸高堰旣築獨慮清河縣

對岸王家口等處

淮水從此決出則清口之力微矣臣

于萬歷八年於本處

築堤一道以防其溢數年之間清

口利涉實賴於此

不意鳳泗商販船隻又于本堤之東

盜挖一渠取便往來

歲久成河已濶九十餘丈淮水盡

由此出清口不免沙淤

除臣見在行司道官候淮水消

落接築長堤一道

務期堅久可恃堤成之後專責清河

縣知縣管理每歲

派定官夫時加幫補如遇水發率同

地方人等晝夜巡邏

以防盜決儻有疎虞卽將掌印官

治河防一覽或有問於馴曰

高家堰之築淮揚甚以爲

便而泗州人苦其停蓄淮水何也馴應之曰此非知水者之言也夫高堰居淮安之西南隅去郡城四十里而近堰東爲山陽縣之西北鄉地稱膏腴堰西爲阜陵泥墩范家諸湖西南爲洪澤湖淮水自鳳泗來合諸湖之水出清口會黃河經安東縣出雲梯關以達于海此自禹迄今故道然也堰距湖尚存陸地里許而淮水盛發輒及堰秦周以前無考矣史稱漢陳登築堰禦淮至我朝平江伯陳瑄復大葺之淮揚恃以爲安者二百餘年歲久剝蝕而私販者利其直達以免關津盤詰往往盜決之至隆慶四年大潰淮湖之水洑洞東注合白馬汜

光諸湖決黃浦八淺而山陽高寶興鹽諸邑漚爲巨浸  
每歲四五月間淮陰春土塞城門穴竇出入而城中街  
衢尚可舟也淮旣東黃水亦躡其後濁流西泝清口遂  
堙而決水行地面宜洩不及清口之半不免停注上源  
而鳳陽壽泗間亦成巨浸矣故此堰爲兩河關鍵不止  
爲淮河隄防也馴戊寅萬歷六年之夏詢之泗人曰鳳泗之  
水蓄于高堰未決之前乎抑旣決之後也僉曰高堰決  
而後蓄也河口塞於高堰未決之前乎抑旣決之後也  
僉曰高堰決而後塞也馴曰堰決而塞築則必通堰決  
而蓄築則必達堰成而清口自利清口利而鳳泗水下

何疑乎 或有問於馴曰高堰之築是矣而南有越城  
並周家橋淮水暴漲從此溢入白馬湖寶應湖水遂溢  
此與高堰之決何異馴應之曰馴與司道勘議已確籌  
之熟矣其不可同者有三而其必不可築者二夫高堰  
地形甚卑至越城稍亢越城迤南則又亢故高堰決則  
全淮之水內灌冬春不止若越城周家橋則大漲乃溢  
水消仍爲陸地每歲漲不過兩次每溢不滿再旬其不  
同一也高堰逼近淮城淮水東注不免盈溢漕渠圍繞  
郡郭若周家橋之水卽入白馬諸湖容受有地而淮城  
晏然其不同二也淮水從高堰出則黃河濁流必迴流

而上而清口遂淤今周家橋止通漫溢之水而淮流之  
出清口者如故其不同三也當淮河暴漲之時正欲藉  
此以殺其勢卽黃河之減水壩也若并築之則非惟高  
堰之水增難守卽鳳泗亦不免加漲矣然則卽于周家  
橋疏鑿成河以殺淮河之勢何如馴曰漫溢之水不多  
爲時不久故諸湖尚可容受若疏鑿成河則必能奪淮  
河之大勢而淤塞清口泛溢淮揚之患又不免矣况私  
鹽商船由此直達甯不壞嵯政而虧清江板閘之稅耶  
十九年河淮泛漲山清安桃平地水丈餘房屋牲畜漂  
溺無數二十一年淮水大漲高良澗決二十二口二十

二年黃水大漲清口沙墊泗城淪沒二十四年總河楊

一魁請分黃導淮開桃源黃壩新河自黃家嘴至五港

灌口分黃入海以抑黃強開清口沙七里建武家墩涇

河開由永濟河達涇河下射陽湖入海又建高良澗開

子嬰溝周家橋開一由岔河下涇河一由草子湖寶應

湖下子嬰溝俱通廣洋湖入海又挑高郵茆塘港通邵

伯湖開金家灣下芒稻河入江以疏淮漲

顧雲風議畧曰淮之趨高

寶似便東流入海似迂禹之智豈不出此而陳登又築

高堰以防之蓋水以海爲歸高寶信下也其東南濱江

濱海之處曰廣陵曰海陵曰蜀岡曰阜曰嶺皆以高亢

得名水無所出卽有所出而江湖海嘯互爲吞吐故瓜

儀之有閘閘非徒節其出抑亦制其入而通泰輿鹽尸

風范希文者以范公堤之建能防倒灌逆流而拯民於

自六子云  
永二一河防



魚鼈耳以此思之則江湖之水勢可知宜洩之難易又可知淮非由清口安東以入海別無歸宿之地後之人慮其泛濫而四出故又遏之以堰好事者倡爲濬開武家墩周家橋諸閘之議先實諸湖之腹水無所受一雨卽盈堤豈能無崩崩則運道安在且入湖之分數多則入海之分數少而淮弱淮弱則黃躡其後而清口淤將湖不能容海不能入漑泗泛濫合盱泗高寶而爲一浩天之勢爲害不更烈乎按高堰自明興以來從未建閘建之自萬厯二十三年始未幾湮塞

天啟元年淮黃暴漲決高堰武家墩等處總河陳道亨塞之崇禎四年淮黃交漲海口壅塞十六年黃河溢由渦入淮此淮水歷代利病之大畧也國朝順治九年戶部侍郎王永吉疏言治河必先治淮而導淮必先開海口淮黃交會東入於海然黃強淮弱勢不相敵淮泗逼而南趨直走四百餘里出瓜儀達江

一線運河收束甚緊卽有大小閘河宜洩而海口不開  
下流壅塞河堤潰決歲費金錢查海口之在興化則有  
丁溪塲小海塲劉莊塲神台塲廖家港白駒塲之斗龍  
港等處在泰州則有河梁塲之亭墩港草堰塲之鴨兒  
港近丁溪塲之馮家壩台洋溝等處以上諸口俱被豪  
棍鹽徒漁利阻塞間有開者亦於口外築壩橫攔永  
不通行若鹽城縣治東南則有石碇海口西北有天妃海  
口先年俱有石閘又有姜家堰海口流出推船港以上  
三處係淮揚六州縣洩水要道今石碇旣稱逼近城郭  
不利風水而天妃姜堰二口附近奸民將閘門實塞河

口填平咽喉重地歲歲陸沉先年舊閘已圯者加工修葺未造者量議增添題定閘官閘夫以時啟閉康熙元年歸仁堤再決時部司有開周橋閘者淮水大洩而黃逆入清口又挾睢湖等水從歸仁隄決口入與洪澤湖相連直抵高堰衝決翟家壩流成大澗九條泗人利積水得洩揚屬奸民利私販直達互爲掩覆淮揚自是歲以災告九年淮黃大漲浪撞卸高堰石工六十餘段衝決五丈有餘又將烏沙河西堤衝倒淮黃水直注高寶湖御史徐越疏言臣向請修復歸仁堤石工使由白洋河入黃河者不止以清刷黃實爲截住高堰西北水勢

使此堰僅受西南淮水而爲運道民生一大屏障也今  
歸仁堤工尚未舉而此堰已壞石工六十餘處衝開淮  
揚數十決口城郭僅存闕廂陸地有水高丈餘者萬一  
高堰疏虞尚復有淮揚數十州縣之城郭乎而况民生  
乎尚復有漕河運道可以飛輓乎而况鹽課與商稅乎  
此堰石工曩皆鑿石扣準鎔鐵灌釘日久朽裂從未大  
修若不乘今冬水落大修堅築明年水發萬難倖保且  
雲梯海口賴黃淮併力衝刷一決高堰清口必淤止餘  
濁流一股海口必塞下壅上潰今之大修兩河勢必仍  
歸潰壞此高堰利害不僅淮揚而有關於天下也王乾

清紀周橋閘曰按周橋關係利害前河郎中黃曰謹辨

疏極爲詳明

黃疏略曰高家堰與周家橋相接一堤也堰以內與橋以內之水相連一淮也使周

橋可開則高堰何所事守高堰必守則周橋斷不可開

故開周橋者乃開堰之別名也又曰水之就下性也周

橋地形高下勢甚相越誠開之是導以建瓴之勢矣彼

得其勢則流必急流急則一瀉千里孰得而禁之故謂

周橋開而淮不盡東淮盡東而黃不復蹶必無之理也

又曰開周橋而注之湖是以湖爲壑矣夫高寶之湖四

時彌望連天所恃一線漕堤爲之保障若引淮入湖則

淮水之浩蕩無涯湖面之容受有限不致決裂湖堤而

奔潰四出不止也又曰淮之入湖也易湖之入江也難

何也湖堤以外地形窪下與江面不甚昂故今通江之

路晝夜宜洩而湖水不見大消使復益之後因萬歷二

以淮源源不竭則七州縣不胥而爲沼乎

十五年淮水大漲浸及泗陵總河楊公建閘以洩一時

暴流稍平卽閉從未常開前賢亦云東去最宜開海口

西來切莫放周橋蓋周橋開而海口塞黃遏淮也周橋  
閉而海口通淮刷黃也淮出清口刷黃濟運則涓滴皆  
爲利益淮入內湖潰堤病民則涓滴皆爲害源若內湖  
增一分漲堤病民之淮則清口便減一分刷黃濟運之  
淮故周橋之啟閉實爲利害之關不可不察也十二年  
河決高良澗又決運河之清水潭十五年河決武家墩  
板工一處高家堰石工七處高良澗板工二十六處十  
六年總河靳輔大挑清口爛泥淺引河四道及清口以  
下至雲梯關河道塞于家岡武家墩高家堰等處大決  
口十六處十七年創築周橋翟壩堤工二十五里塞高

良澗等處大小決口二十五處淮水始歸故道十八年  
塞翟家壩十九年再大挑清口爛泥淺裴家場帥家莊  
引河四道淮水全出清口創建周橋高良澗武家墩唐  
梗古溝東西減水壩六座三十八年黃水倒灌運口湖  
水淤墊致清水不能暢流高堰各壩流入高寶諸湖下  
河淹沒三十九年總河張鵬翮疏言應修工程一六壩  
宜閉通清水出口曾黃入海關鍵全在六壩一高堰滾  
水壩宜修高堰納七十二處山河之水古人設壩原以洩異漲之水非以洩平槽之水今冬六壩閉  
後來年黃淮並漲宜洩湖水非壩不可今周家橋高良  
澗等閘已堵塞至翟家壩湖形見淤亦非出水之處前  
河臣于成龍將六壩改爲四滾水壩臣覆相度併爲三滾水壩亦屬妥協一武家墩至小黃

莊石工宜加砌

查舊有石工僅出水面二三尺必須一加砌與小黃莊見修石工一律齊高

古溝至六壩石工宜修

查臨湖石工至古溝而止迤下俱係土隄宜修砌石堤可省歲

修冬疏言先疏海口水有歸路今歲黃水不出岸矣繼

挑芒稻河引湖水入江高寶一帶水由地中行矣再闢

清口開張福口裴家場等引河淮水有出路矣又加修

高堰堵塞六壩逼清水復歸故道引張福口等河會入

裴家場引河開放清水流入運河四十年疏言查清口

形勢武家墩三汊河爛泥淺裴家場張家莊湖頭水勢

相連沛然而出面寬數百丈直繞大墩其流至運口也

三汊河裴家場張福口張家莊四引河匯爲一河寬九



十丈流出二座攔黃壩壩基淤沙如湯沃雪至頭座攔黃壩刷寬四十六丈兩壩臺亦係淤沙見在壑裂清水

再長勢必刷開是年修高堰大隄告竣

北自武家墩南至棠梨樹長一

萬四千九百八十一丈二尺三寸高二丈三四尺不等頂寬八丈四尺底寬十三四丈不等又自武家墩至林家西俱砌石岸按明萬歷五年漕督吳桂芳言山陽高寶之間向來湖水不逾五尺堤僅七尺今堤加至一丈二尺而水更過之此從來所未有也今堤高二丈三四尺水發亦復過之較萬歷時湖底又復墊高丈餘矣洪澤湖築高堰南北堤岸所以束淮水出清口敵黃濟運也於清口築新大墩一座導水七分敵黃三分濟運於山盱汴建滾水石壩三座出身尺寸與清口黃水形勢相照應取勢足敵黃過則聽其滾去此四季測量水

平審度至當廼定壩址歷年著有成效如春夏之交黃水先長湖水勢微清口清水稍弱則啟歸仁湖三牖之板放水入洪澤湖以助清口敵黃而濟運四十一年將臨湖歸仁安仁閘壩堵塞蓄湖水盡行引河流至臨黃祥符閘開放雍正七年

上諭朕思治河之道惟有使黃水暢流無所壅滯則永慶安瀾然欲使黃水無所壅滯必須保固高家堰隄工使清水力能敵黃且以助其暢流之勢則河工永遠無慮是高堰隄工關係最爲緊要從前齊蘇勒雖將石工稍加幫修而朕以爲不若多費帑金於隄工險要之所及

單薄之處俱加修石工務令堅固高厚以爲久遠之計  
庶於河道民生大有裨益前孔毓珣在京陛見時朕以  
此諭之伊亦深以爲然又曾將治河之道降旨詢問田  
文鏡而伊之所奏與朕意不謀而合可見高堰隄工乃  
必應加增修理者也着發戶部帑銀一百萬兩交與孔  
毓珣尹繼善籌畫相度有應預備物料之處卽於歲內  
採買爲預備再着汪滌對琳張坦麟吳昌祚前往淮上  
協同河臣等悉心辦理八年秋汛異漲嵇曾筠總督南  
河相機堵塞民獲乂安九年大修高堰石工經始是年  
正月至十年告成萬世永賴以後詳見圖說內

康熙四十二年十一月奉

上諭洪湖風報危險每致損壞船隻民命攸關着於沿湖  
坡釘椿木以廣救濟欽此堰盱三屬每年用銀一千五  
百兩本年令兩江督臣江甯撫臣捐修次年令安徽撫  
臣捐修又次年令江甯蘇州兩織造捐修至四十七年  
奉

旨嗣後着江甯蘇州杭州織造每歲於節省銀內各捐銀  
五百兩雍正八年遵

旨密議令

安徽江蘇

二撫臣每年於耗羨存公銀內動支銀五  
百兩解交河庫動支建釘盱堰二屬每年各建釘椿工

銀五百兩歷經數十年沿湖坡岸接釘木椿遇有船隻損壞墮水之人皆得攀援登岸活全甚衆

乾隆十一年七月奉

上諭朕聞洪澤湖周廻寬廣五百餘里一遇風起浪湧船隻每有漂溺之患康熙年間蒙

聖祖仁皇帝特設救生椿釘於石工之外使被溺之人得以攀援而上全活甚衆今夏家橋地方有舊葦壩一座並高堰迤南順水壩一座俱有口門爲遭風船隻躲避之所於行舟甚屬有益着再於高堰廳屬之老堤頭山盱廳屬之高澗壩迤南又徐家灣周橋等四處各添設護

堤救生壩俾沿湖一帶人船恃以安全該部卽行知署  
河道總督顧琮令其遵照妥協辦理欽此

淮安府志河渠叙

運河

三代時五服各以其方物貢而粟米之賦近出畿甸  
漢武都關中歲漕粟六百萬石賈誼謂以淮南東道  
爲奉地則江淮之粟漕於京師尚矣淮郡南控江漢  
北通漳衛漕之自南而北也轉穀遞輸數千里而郡  
實爲咽喉要道然明以前由運口至瓜儀中間數百  
里河身高仰江淮庫下不獨淮不能達江江亦不能  
達淮吳開邗溝漢唐因之皆堰湖水以資運艘歷代  
講求蓄蓄之法至爲精密元時定鼎燕京專行海運

明陳瑄大修江南運河而白河御河會通河汶泗以南開河以次浚通又自淮安至寶應以南作涵洞數十餘處以時啟閉乾不病餉漕不妨農一時稱便隆萬後黃淮墊淤運河反卑駸駸淮南入江矣自後五閘廢弛運身如仰盂入江之口一線而黃淮之來如建瓴湖水間從西隄溢下東去抵捍海塘支渠堙遏四面之水至淮郡而止此運河所以危險也

國家歲發左藏百萬治淮治黃皆以治運海口闕而黃不停清口駛而淮堰不危運河順軌漕橋直達天庾蓋合淮黃運而一治之去其害而享其利誠萬世之



良策也志運河第六

禹貢沿于江海達于淮泗又曰浮于淮泗達于河時江淮未通故自江順流入海又自淮泗入河沂沛入河此

徐揚之貢道也春秋時吳將伐齊於邳江築城穿溝吳功

清曰江北淮南地高于水二水之間掘一橫溝兩端築

堤壅水溝中胡牖明曰後世堰閘之法舟至則開舟過

則閉邳溝一名中瀆水一名曰渠水韓江一名邳溟溝首受江于江都縣

當亦如此按中瀆水自廣陵北出武廣湖東陸陽湖西

縣城臨江二湖東西相直五里水出其間下注樊梁湖

舊道東北出至博芝射陽二北至射陽入湖射陽湖古

湖西北出夾耶乃至山陽射陂也在

今山陽縣東南八十里縣杜預云自射陽西北至末口

西有山陽瀆即古邳溝

入淮通運道山陽縣北五里之北神堰即古末口胡牖

明曰射陽以南之水引江以通湖射陽以

北諸路由湖以達淮又曰杜預所言不過其水乃自南

由江達淮之樞道路可通而水不入淮

入北非自北入南也水經注自廣陵出山陽白馬湖逕山陽城西又東謂之山陽浦又東

謂之山陽口漢吳王濞開邳溝自揚州茱萸灣通海陵倉及

如皐蟠溪晉永和中忠廣陵湖道多風陳敏因穿樊梁

湖北口下注津湖逕渡渡十二里方達北口直至夾耶

興寧中復以津湖多風又自湖之南北口沿東岸二十

里穿渠入北口自後行者不復由湖自廣陵出山陽白

馬湖逕山陽城西卽射陽故城

在射水之陽

隋開皇七年於

揚州開山陽瀆以通運漕大業元年發淮南諸州郡丁

夫十餘萬開邳溝自山陽至揚子入江三百餘里水面

濶四十步

淮入江之始

按煬帝開通濟渠自東都西苑引穀

洛之水達於河又自板渚引河水達於汴又自大梁東引汴水入泗達於淮又自山陽至揚子達於江於是江淮河汴之水相屬而爲一矣又開永濟渠因沁水南達於河北通涿郡又穿江南河自京口至杭州八百里元明以來所用者皆其舊迹也夫會通河自濟汶以下江河淮泗通流爲一則通濟之遺也滹沱豫章則永濟之遺也唐垂拱間泗州漣水縣故有新漕渠南通淮至是開以通海沂密等州

漣水今安東縣縣有中漣河東漣河西漣河

太極元年

泗洲盱眙縣有直河敕使魏景清引淮水至黃土岡以

通揚州開元二十七年宿州虹縣廣濟新渠採訪使齊  
澣開自虹至淮陰北八十里入淮以便漕運既成湍急  
不可行遂廢初揚州疏太子港陳登塘凡三十四陂以  
益漕河輒復堙塞淮南節度使杜亞乃濬渠蜀岡疏句  
城湖愛敬陂起隄貫城以通大舟河益庫水下走淮夏  
則舟不得前節度使李吉甫築平津堰在高郵州境以洩有  
餘防不足漕流遂通寶歷二年揚州江都縣漕渠淺輪  
不及期鹽鐵使王播自七里港引渠東注官河以便漕  
運開成二年揚州運河竭周顯德五年世宗伐南唐欲  
引戰艦自淮入江阻北神堰不得度北神堰在楚州城北五里吳王夫差

溝通江淮後人以此立堰者以淮水低溝水高防其洩也舟行度堰入淮今號爲平水堰欲鑿楚州

西北鶴水以通其道今楚州城西老鶴河是也遣使行視還言地形

不便計功甚多上自往視之授以規畫發楚州民夫浚

之旬日而成用功甚省巨艦數百艘皆達于江唐人大

驚以爲神又浚汴口之渠導河水達于淮水以通江淮

之漕此卽唐時運路也自江淮割據運漕不通水路湮塞今復浚之又自大梁城東導

汴水入于蔡水以通陳潁之漕又于都城之東浚汴水

爲五丈渠東過曹濟梁山濠以通齊魯之漕宋之漕先運始此

是隋大業初疏汴河通濟渠引黃河通淮至唐改名廣

濟宋都大梁以孟州河陰縣南爲汴首受黃河之口屬

于淮泗太平興國六年汴河歲運江淮米三百萬石菽  
一百萬石江南淮南兩浙荆湖路租糴于真揚楚泗州  
置倉受納分調舟船汴流入汴以達京師置發運使領  
之雍熙中轉運使劉蟠以楚州北山陽灣尤迅急多有  
沉溺之患議開沙河以避淮水之險未完而受代喬維  
岳繼之開河自楚州至淮陰凡六十里舟行便之維岳傳云  
自末口至淮陰磨盤口凡四十里景德中李溥任制置江淮等路並發  
運使高郵軍新開湖水散漫多風濤溥令漕舟東下者  
還過泗州因載石輸湖中積爲長堤自是舟行無患天  
禧二年江淮發運使賈宗言諸路歲漕自真陽入淮汴

歷堰者五糧載煩于剝卽民力疲于牽挽官私船艦易壞今議開揚州古河緣城南接運渠毀龍舟新興茱萸三堰鑿近堰漕路以均水勢歲省官費十數萬功利甚溥詔屯田郎中梁楚等按視以爲當然明年役旣成而水注新河與二堰平漕船無阻公私大便淮南轉運副使王臻言揚州召伯堰實謝安爲之人思其功以比召伯不可廢也濬渠亦無所益而發運使卒濬渠以通漕臻坐前異議降職江淮置制發運副使張綸築漕河堤二百里于高郵北旁鋼巨石爲十礎以洩橫流

夢溪筆談曰淮

南漕渠築埭以蓄水不知始何時舊傳召伯埭謝公所爲按李翔來南錄唐時猶是流水不應謝公時已作此

堦天聖中監真州排岸司右侍禁陶鑑始議爲復開節  
水以省舟船過堦之勞是時工部郎中方仲荀文思使  
張綸爲發運副使表行之始爲真州開歲省冗卒五百  
人雜費百二十五萬運舟舊法舟載米不過三百石開  
成始爲四百石船其後所載寢多官船至七百石私船  
受米八百餘囊囊二石自後北神名伯龍舟萊黃諸堦  
相次廢革至今爲利自淮陰經泗上浮長淮風波覆舟歲懼其患  
馬仲甫建議鑿洪澤渠六十里漕者便之元豐六年開  
龜山運河長五十七里濶十五丈深一丈五尺初發運  
使許元自淮陰開新河屬之洪澤避長淮之險凡四十  
九里久而淺澁熙寧四年皮公弼復濬治人便之至是  
發運使羅拯復欲自洪澤而上鑿龜山裏河以達于淮  
帝深然之按淮流至龜山乃益折而北又二十餘里而  
洪澤宮陵泥墩萬家等湖環匯于淮之東岸



蓋淮自淮湖自湖非如今日會發運使蔣之奇人對建  
洪澤諸湖與淮混而爲一也言上有清汴下有洪澤而風浪之險止百里淮邇歲溺  
公私之載不可計凡諸道轉輸涉湖行江已數千里而  
覆敗于此百里間良爲可惜宜自龜山蛇浦下屬洪澤  
鑿左肋爲複河取淮爲源不置堰牐可免風濤覆溺之  
患帝遣都水監丞陳祐甫經度祐甫言往年田棐任淮  
南提刑常言開河之利其後淮陰至洪澤竟開新河獨  
洪澤以上未克興役今旣不用牐蓄水惟隨淮面高下  
開深河底引淮通流形勢爲便但工費浩大帝曰費雖  
大利亦博矣祐甫曰異時淮中歲失百七十艘若捐數

年所損之費足濟此役帝曰損費尚小如人命何乃謂

夫十萬開治既成命之奇撰記刻石龜山

按之奇所鑿乃自洪澤而

上鑿龜山裏河以達于淮非鑿淮從天長六合達江也泗州志引莫之翰言聖人山下禹王河土人稱爲大禹治水導淮入江之故道此固無稽之談又謂宋時通舟楫爲東南由江入淮之運道亦屬臆說元豐七

年浚真楚運河朱服爲右史帝遣使治楚州新河戒之

曰東南不慣興大役卿且爲朕優恤兵民元符元年工

部言淮南開河所開修楚州支家河導漣水與淮通賜

名通漣河初楚州沿淮至漣州風濤險舟多溺議者謂

開支氏渠引水入運河歲久不決發運使王宗望始成

之爲公私利崇寧二年詔淮南開修遇明河自真州宣

化鎮江口至泗州淮河口五年畢工自蔡京破東南轉  
搬漕運法爲直達網應募者率游手無賴盜用乾沒漫  
不可核人莫敢言發運使任諒人對首論之京怒以他  
事中之削籍重和元年前發運副使柳庭俊言真揚楚  
泗高郵運河堤岸舊有斗門水牐等七十九座限則水  
勢常得其平比多損壞詔檢計修復宣和二年以真揚  
等州運河淺澁委陳亨伯措置初淮南連歲旱漕運不  
通揚州尤甚詔中使按視欲濬運河與江淮平會兩浙  
有方臘之亂內侍童貫爲宣撫使譚稹爲制置使貫欲  
海運陸輦稹欲開一河自盱眙出宣化朝廷下發運使

相度陳亨伯遣其屬向子諲視之子諲曰運河高江淮數丈自江至淮凡數百里人力難濟昔唐李吉甫廢牐置堰治陂塘泄有餘防不足漕運通流發運使曾孝蘊嚴三日一啟之制復作歸水澳惜水如金比年行直達之法走茶鹽之利且應奉權倖朝夕經由或啟或閉不暇歸水又頃毀朝宗牐自洪澤至召伯數百里不爲之節故山陽上下不通欲救其弊宜於真州太子港作一牐以復懷子河故道於瓜州河口作一牐以復龍舟堰子海陵河口作一牐以復茱萸待賢堰使諸塘水不爲瓜州真泰三河所分于北神相近作一牐權閉滿浦牐

復朝宗牘則上下無壅矣亨伯用其言是後滯舟皆通  
利云按子謹言運河高江淮數丈則知明以前不獨江  
不能直達淮淮亦不能直達江也中間數百里資  
以濟運者在揚乃太子港句城湖愛敬陂七里港高郵  
湖之水在淮乃射陽湖白馬湖管家湖諸水故歷代皆  
有堰牘蓄水堰牘廢則走水乾涸至黃奪淮後湖身壅  
淤淮始高而運河卑淮乃入江昔人多謂隋大業開邗  
溝通淮入江其實不然建炎間江淮發運使吳中甫自  
時江淮之路可通耳

洪澤鑿渠六十里以避長淮漕運之險紹興四年詔燒  
毀揚州灣頭港口牘泰州姜堰通州白蒲堰其餘諸堰  
並令守臣開決焚毀務要不通敵船又詔宣撫司毀折  
真陽堰牘及真州陳公塘無令走入運河以資敵用五  
年詔淮南宣撫司募民開濬瓜州至淮口運河浚溢之

處乾道七年詔令淮南漕臣自洪澤至龜山淺澁之處如法開撩淳熙十四年揚州守臣熊飛言揚州運河惟藉瓜州真州兩牐濬積今河水走泄緣瓜州上中二牐久不修治獨潮牐一座轉運提鹽及本州共行修整然迫近江湖水勢衝激易致損壞真州二牐亦復損漏宜令有司葺理上下二牐以防走泄從之陳敏爲都統制兼知高郵軍自寶應至高郵按其舊作石礎十二所自是運河通泄無衝突患敏言長淮二千餘里河道通北方者五清汴渦潁蔡是也通南方以入江者唯楚州運河耳北人舟艦自五河而下將謀渡江非得楚州運河

無緣自達昔周世宗自楚州北神堰鑿老鵲河通戰艦  
以入大江南唐遂失兩淮之地由此言之楚州實爲西  
淮司命顧朝廷留意紹熙五年淮東提舉陳損之言高  
郵楚州之間陂湖渺漫茭葑彌滿宜創立隄堰以爲瀦  
泄庶幾水不至于泛溢旱不至于乾涸乞興築自揚州  
江都縣至楚州淮陰縣三百六十里又自高郵興化至  
鹽城縣二百四十里其隄岸傍開一新河以通舟船仍  
存舊隄以捍風浪栽柳十餘萬株數年後隄岸亦牢其  
木亦可備修補之用兼揚州墟鎮舊有隄厝乃泰州泄  
水之處其厝壞久亦于此搬立斗門西引盱眙天長以

來衆湖之水起自揚州江都經高郵及楚州寶應山陽北至淮陰西達于淮又自高郵入興化東至鹽城而極于海又泰州海陵南至揚州泰興而微于江共爲石礎十三斗門七乞以紹熙堰爲名饒諸堅石淮田多沮洳因損之築隄捍之得良田數百萬頃元都於燕去江南極遠初運糧自浙西涉江入淮由黃河逆水至中灤旱站陸運至淇門入御河以達于京後又開濟州泗河自淮至新開河由大清河至利津河入海因海口沙雍又從東阿旱站運至臨清入御河及伯顏獻海運之言江南之糧分爲春夏二運至京師者一歲多至三百萬餘



石然風濤不測糧船漂溺者無歲無之延祐四年復浚揚州運河明初都金陵則漕于江其餉遠卒猶漕于海自永樂都燕後歲漕東南四百萬石由江涉高寶諸湖絕淮入河經會通河出衛河白河遡大通河以達于京師洪武十四年浚揚州官河自楊子橋至黃泥灘十七年修築江都縣深港壩浚河道五百六十七丈二十年命主事楊德禮往高郵督有司修築並湖隄岸永樂元年浚江都縣瓜州壩河道二年高郵州耆民言自州北門至張家溝湖岸兩京之要路民田之巨防湖納天長盱眙諸水雨潦漲溢風波衝決隄岸每歲修築旋復傾

圯乞遣人相度修理從之淮安都指揮施文言淮安諸  
壩舟航往來每遇天旱壩下淤淺重勞人力近城舊有  
清江浦二閘比年坍塌乞命有司修砌以便往來從之  
三年浚淮安府運鹽河一十八里浚淮安府支家河長  
一萬一千九百七十丈四年戶部言高郵州東河等處  
塘岸傾圯江都縣劉家圩港淤塞命有司發銀修浚五  
年修淮安堤十三年開清江浦河道凡漕運北京舟至  
淮安過壩度淮以達清河口挽運者不勝勞平江伯陳  
瑄時總漕運故老爲瑄言淮安城西有管家湖按管家湖在淮  
安城西今淤爲田舊有長堤見存自湖至淮河鴨陳口僅二十里與清

河口相直宜鑿河二十里為清江浦導湖水入淮以通

漕舟免過壩及風濤之患

按是時猶是引湖水北入淮非淮南入運也

瑄以

聞遂發軍民開河置四閘自城而西曰移風

即板閘

又十

五里曰清江

江即清浦

又五里曰福興

潘季馴改建于壽州廢去清江閘十五里

又二十里曰新莊

又名天妃閘又名通濟閘與清河口對岸嘉靖末濁流填淤因改置通濟

閘于浦南三里溝隆慶中萬恭復開天妃閘以通運萬

歷六年潘季馴移置于甘羅城東去新莊舊閘不及一

里河口斜自西南以避黃趨淮因議廢新莊閘而建壩

于閘內為車盤入淮之道十四年河決天妃壩淤福興

閘乃築塞之○初瑄鑿清江浦一帶以通黃淮而黃流

甚濁恐至於淤設天妃等閘遞相啟閉將入伏閘外

築輟壩一應船隻俱從五壩車盤九月水落開口即清

復開壩由閘二百餘年皆因其制後漸廢弛

江浦口為漕河入淮之處稍折而北乃為清口即黃淮

合會處也又緣湖十里築隄引舟是年建淮安五壩運船經壩入淮仁字壩義字壩在新城東門外東北自城南引湖水抵壩口外卽淮河遇清江口淤塞運船經此入淮禮字壩智字壩信字壩在新城西門外西北引湖水抵壩口外卽淮河遇清江口淤塞則官民商船經此達于淮十四年設淮安府山陽縣之清河福興清河縣之新莊開置開官各一員修召伯鎮上下二閘是年平江伯陳瑄疏濬故沙河置閘通舟先是漕至淮安悉從府東北車壩入淮逆水行六十里至是瑄因宋喬維嶽所開沙河舊渠益加疏治置閘通舟踰年功成十九年

修高郵州新開湖塘岸

按新開湖長三十五里

二十二年陳瑄上

言天下歲運糧餉惟湖廣浙江江西及蘇松等府州去北京甚遠又河道有洪開壩及淺凍之阻往復踰歲所費數倍正糧乞令運於近便淮安徐州等處交納別令官軍接運至北京宣德五年陳瑄言淮安西湖河岸乃牽輓舟船往來通路此因風浪衝激岸多崩塌滿浦五壩間廢已久官吏壩夫俱無差役乞令守視西湖隄岸七年陳瑄築高郵寶應汜光白馬諸湖長堤以度牽道

按白馬湖長三里汜光湖卽寶應湖長三十里界首湖卽津湖長三里在寶應縣○自清口引淮爲清江浦至烏沙河匯管家白馬二湖隄黃浦入海及寶應縣槐角樓南諸湖相接西抵泗州盱眙縣界皆運道所經湖東

有隄長三十餘里洪武九年用輟修高家潭等處其  
南高郵邵伯等湖皆有石堤運船觸隄往往敗溺又  
開揚州白墘河置新莊潘家莊大橋江口四閘令江南  
糧船從常州府西北孟漬河過江入白墘河至灣頭達  
漕河以省瓜洲盤壩之費正統二年揚州府奏邵伯鎮  
二閘一壩各設官吏人夫以防高郵湖水泛溢今湖水  
旣平往來無虞乞裁其半又江都儀真有雷公上下白  
城陳公四塘舊設夫三百三十五人守之今運河轉輸  
不絕塘水宜洩入河夫可盡罷事下巡撫覆奏塘水無  
源若盡洩之則涸矣仍留夫二百人邵伯鎮閘壩官吏  
各一人夫九十人宜減省從之正統三年築高郵湖隄

隄長四百二十五丈甃以磚石五年淮安府知府彭遠  
言永樂中平江伯陳瑄于淮安西湖中築堤十餘里爲  
輓舟路令淮安滿浦南鎮三壩夫巡視之又令漕卒順  
載小木暨土積之隄上遇隄壞卽修今壩夫止役故隄  
弗完請仍行瑄故事從之六年高郵州知州韓簡言州  
管河西接新開河東通興化縣舊設上下二閘以時啓  
閉今閘壞河不通且子嬰溝塞溝旁田皆荒蕪又減水  
陰洞常閉塞其岸東田旱潦輒不收請俱浚治之七年  
修築淮安西湖中路十餘里以便漕運十一年巡按御  
史奏淮安府滿浦淮安南鎮三壩舊以無閘而設後立

移風五閘其三壩皆廢不用揚州邵伯閘壩舊以築堤恐泄水利而設今堤已完其閘壩亦皆不用白塔河大橋潘家莊新開江口等閘舊以地勢斗峻泄水而設今築塞年久其所設官吏人夫皆冗濫乞減省之景泰六年右僉都御史陳泰奉勅督浚儀真瓜州江都高郵寶應及淮安一帶河道凡浚河一百八十里天順六年疏浚淮安以南運河八年命修高郵湖岸三十餘里成化八年修築淮安抵瓜儀湖河堤岸衝決者一十五處河道侍郎王恕請治揚州至淮安湖塘造閘礎引塘水接濟運河九年總漕陳銳奏儀真瓜州運河原無水源全



賴揚州雷公陳公二塘及高郵寶應邵伯等湖

按邵伯湖長十

八里在江都縣

積水接濟

按諸湖延袤高寶近所司視為泛常抵揚州上下相接

不為疏浚修築致水利不通糧運有阻自沛縣至儀真

宜責郎中一人專理

按陳銳奏知是時淮猶不南入運也

十四年太監汪

直言高郵邵伯寶應白馬四湖每遇西北風作則糧運

官民等船多被隄石樁木衝破漂沒宜築重隄於隄之

東積水行舟以避風浪部議行漕撫等官相度增築宏

治間工部郎中吳瑞等言于侍郎白昂高郵州運道九

十里入新開河湖東直南北為隄舟行其下自國初以

來障以椿木固以磚石其西北則與七里張良贊社石

日平防諸湖通滎廻數百里每西風大作舟與椿石遇輒壞前此嘗議修湖東鑿複河不果行今舉運河便利宜莫先于此白命相地與鑿起州北三里之杭家嘴至張家溝長境湖廣十丈深一丈有奇兩岸壅土椿木磚石如河岸首尾有閘與湖通岸東又爲閘四涵洞一湖水盛使減殺焉聞之上名曰康濟河時自儀真入淮凡二百里舟膠不行管漕河郎中李景繁募夫八萬人初濬邵伯湖揚子橋三汊河廣皆六丈次濬廣陵驛東廣倍于三汊次濬樸樹灣廣三倍于初次濬儀真瓜洲二壩廣倍于樸樹者三深於舊者各五景繁行瓜洲隄上

見東南多沮洳區土人曰此江潮之滙也景繁導之自  
古劄港劉家灣入漕渠曰今漕渠非得巨流濟之舟終  
不可行如值江潮時開壩閘恣江北走已卽塞之天復  
大雨漕事成矣遂令具土暨石潮至大決壩閘江水奔  
漕水聲洶洶如雷乃塞壩數日會大雨舟乃大行十八  
年管河郎中張瑋請將高郵涵洞築塞每五里改砌減  
水石閘一座絕盜決之弊正德二年添設清江浦新壩  
閘二座議者謂春冬淮水退消清江浦淤淺外河與裏  
河湖水高下縣隔設壩盤剝舟行未便宜將壩改作內  
外二閘以時啟閉節水通舟從之十六年漕督臧鳳請

修復五塘灌民田資糧運

按五塘儀真陳公塘江都上

防一覽云或有問於馴曰五塘蓄水濟運先年設有隄  
閘今皆圯矣可不復舉乎馴應之曰馴初至之時亦嘗  
銳意求復反覆行勘查得小新塘與雷公上下二塘相  
接西去揚州郡城十餘里水由淮子河入清河句城塘  
西去揚郡幾三十里水徑奔儀真由響水閘出江四塘  
皆隸江都縣唐長史李襲譽所築也陳公塘隸儀真縣  
其水亦奔響水閘出江漢廣陵太守陳登所築也句城  
陳公二塘地形高阜水俱無源惟藉雨積小新上下雷  
三塘受觀音閘後及上方寺後并本地高田所下之水  
而局面窄小蓄水無多故漢唐二臣築塘積水以爲溉  
田之計非以資運也今欲慮漕渠淺涸借此水以濟之  
則應任其直下不宜築塘以障其流且冬春運河水淺  
彼先涸矣若慮湖水漲漫借此塘以障之則諸水皆從  
揚儀徑奔出江與諸湖了不干涉也如欲復前人之故  
業蓄水以溉高亢之田於民未必無益但民間承佃爲  
田輸價不貲歲納之課亦不貲必須盡行償貸築堤建  
閘費尤不貲必須大爲處分矧田高之民欲積田窪之  
民欲洩築堤建閘之後盜決者多必須添設官夫防守

當此勞費之後災傷之餘種種難  
于措辦故馴謂其是尚可緩也

管河郎中楊最言寶

應縣汜光湖西南高東北下往來糧運船入湖行三十  
餘里始出東北堤岸去湖面僅三尺許每雨潦風急輒  
衝決阻運渰興鹽通泰良田請如白昂修築高郵康濟  
河例加修內河仍將舊堤增石積土以爲外堤議格不  
行嘉靖五年築汜光湖東傍舊堤開新河長三十里又  
自寶應至界首凡有溝可注于海者造平水閘十座十  
年築寶應湖東自堤長二十一里十五年漕督周金言  
淮安清河口抵瓜儀四百餘里乃運道咽喉其間座止  
藉白馬汜光高郵邵伯諸湖津派皆無源之水往黃河

北徙或由沛縣飛雲橋或由穀亭鎮流入漕渠是以沽頭諸閘頗得其濟自嘉靖六年河流益南一支入渦河直下長淮一支仍由梁清口出徐州小浮橋一支由趙皮寨出宿遷小河口各入清河口滙由新莊閘入裏河水退沙存日就淤塞訪諸故老皆言河自汴來本渾而渦淮泗清新莊閘正當二水之口河淮既合昔之爲沛縣害者今移淮安矣興工挑濬費以萬計竊計新莊口南諸閘一遇水發必須築壩及貢使與勢官經過旋復掘放恐非長計請於新莊閘更置一渠約長五丈立閘三層重加防護水發卽三板齊下貼席封固雖有滲漏

挑浚不難從之

按問水集云清江浦頻年外河黃水漫入輒淤漕治無已運舟每爲阻滯詢之

父老有云自板開而下相度地形中道別開一支河河口亦建閘各高其隄防淤則濬其一而開其一以行舟可免停泊矣萬歷元年工部請建復淮南平水閘與淺船淺

夫及建天妃廟口石閘修復境山閘從之儀真建平水

閘二座江都一座高郵十座寶應八座山陽二座凡二

十三座自儀真至山陽有五十一淺淺設撈淺二小船

淺夫十名閘多則水易落而隄堅浚勤則河愈深而隄

厚建天妃閘則時閉時啟而省挑浚修境山閘則有留

有接而省盤剝旣裨運道且資民生

治水筌蹄曰漢唐以前至春秋戰國

大江由六合邇邗溝取道於高郵寶應諸湖之西北達長淮江南之漕俱由邗溝而苦淺阻陳平江乃堤揚州

以及於淮西過諸湖之水遂匯爲一湖港相通三百七  
十里達於黃河隋道大通邗溝遂絕今不必泥古妄圖  
恢復惟濬之洩淮則可高郵諸湖西受七十二河之  
水歲苦溢乃於東堤建減水閘數十洩水東注閘下爲  
支河總會於射陽湖鹽城入海歲久悉湮弘治中乃開  
儀真閘苦不得洩治水者歲高長堤而湖水歲溢隆慶  
初水高於高寶城中者數尺每決堤卽高寶興化悉成  
廣淵隆慶六年萬歷元年建平水閘二十一於長堤又  
加建瓜州閘併儀真閘爲二十三湖水大平淮漲不能  
過寶應又復淺船淺夫但許深湖不許高堤舊制所建  
瓜州花園港通惠閘得故金焚韓世忠船板改廣惠閘  
又得故閘基椿石椿大四圍基因之則花園港故閘道  
也而或恐二十三閘洩高寶八百里七十二河之水欲  
開瓜儀蓄諸湖利餉道誤哉各湖水南注者儀河窄  
而淺瓜湖廣而深余懼瓜之奪儀也乃於三汊河建揚  
子橋橋口如閘制以節束之儀湖不病淺矣而瓜開江  
潮近六十里則早至而遲落更便於儀閘鎮江截流官  
舫徑趨江都真州省糧食征夫之役又利儀閘云高  
郵湖宏治三年白公以七十餘萬金成康濟河商誠便  
也第不當東繞圍民田一萬八千畝康濟與湖通水如



城田若孟不得已於月河之底沉三涵洞穿月河而東  
洩船行洞之上方未七十年松板洞室不復能穿月河  
水匯田中是老堤之東又益一萬八千畝之田湖也左  
哉左哉老堤如綫浸萬頃中八面受敵而大堤壞中堤  
故卑薄大湖擁田湖濤擊之而中堤壞二堤俱壞則康  
濟東堤直弱給當萬石之弩耳豈不危哉今議固老堤  
塞金門決康濟湖田乃循老堤之東去十丈爲之東  
堤一護老堤一成月河歲加修築則運與民與商船萬  
世之利也 資應湖堤袤三十里軍民船由湖中西風  
大作歲溺湖中以數千人運之險道也今爲東護堤如  
議高郵新月河之制東堤成則月河成一舉兩得之計  
了此不過十萬金耳省中隄故也視白公縮費六十萬  
金歲加修築可保數百年無事謀國者各有見乎 天  
如口自陳平江開清江浦六十里由此入黃河官民便  
之嘉靖中黃水泛入清江淤河臣費十萬開新河以北  
接於淮其說以爲接清流勿接濁流可不淤不知黃河  
非安流之水也伏秋水盛則西擁淮流併灌新開河夫  
天妃口一黃水之淤耳若淮黃會於新開口是二淤也  
乃歲役千夫濬淮黃交會之淺而患愈傳矣余於天妃  
口建石閘直出黃河黃水盛則閉閘謝絕黃水以杜淤

黃水落又啓開以利官民新開口勿濬可也新河焉用  
哉○夏秋高寶諸湖水溢瓜儀二閘宜洞開之高寶  
諸湖今建平水開俱引支流入射陽湖注於海正道也  
而鹽城范公堤有入海五道今湮其四下流不疏此高  
寶與鹽之多水患乎瓜儀天妃各閘啟閉不定期限  
以江河消長爲候如江河消則啟板以通舟悉令由開  
使商者省盤剝之艱如江河長則閉板以障流悉令由  
壩使居者得挑盤之利若水長開閉願候水落由開者  
不強之使由壩水消開啟自願過壩者亦不強之使由  
開則開壩俱安商民兼利儀真至淮安河止務高堤  
不移深河勢擁諸湖安所紀極萬歷元年治之乃測江  
都縣三汊河起至揚子橋止計半里舊水深四尺測寶  
應縣大潭起至三官殿嘴止河心舊水深四尺五寸測  
白馬湖口起至錢家直止河心舊水深四尺二寸測山  
陽縣化骨亭起至趙家莊止一里舊水深四尺二寸是  
三百七十里運道中淺者止此總之不踰五里餘皆五  
尺至一丈極深有至一丈八尺而止淺夫淺船治之月  
計之工也凡四尺者可濬至七尺而止則以運舟用水  
三尺乘之高寶諸湖從平水二十餘閘中尚可洩去四  
尺夫水落四尺則河岸視舊可高四尺一以固堤一以

利田此祖宗但令深河不令高堤之微意也余故竊復之百餘年來乃不爲濬淺之易而爲高堤之難未之思也夫境山間者閘漕之外戶也年久變遷棄焉不治上下多淺萬歷初乃更爲之而黃家閘始有重關矣外阻黃內束漕兩利之策也三年御史劉光國以國初糧運自儀真抵

淮安謂之裏河俱分入五壩轉盤黃河謂之外河原不相通後平江伯疏開清江浦河由天妃口徑通黃河設閘啟閉每歲三月後糧運過卽封閘隔黃水船盤剝如故後廢弛閘不閉黃水灌入乃議塞天妃口創開三里新河設通濟閘以通淮水閘廢不修淮水不息黃水盛大淮亦因之高寶湖堤年年衝決鹽興等處歲歲被災於是建議以天妃閘地勢高於通濟淮水灌溢多於黃

水謂宜將通濟閘及福興新莊二閘增卑倍薄令高厚  
堅固分司專司啟閉五月後九月前水盛發嚴加封閉  
惟回空船至二日啟放一次隨放隨閉不許官民船擅

進貽水患從之

四年漕督吳桂芳言高郵河南堤乃永樂間平江伯陳瑄所建運舸俱行湖內

波濤爲患至宏治間侍郎白昂議開越河中爲土堤東  
爲石堤兩頭建閘名爲康濟河其中堤之西老堤之東  
約成民田數萬畝卽今所謂園子田也彼時未傍西堤  
爲河而別作越河於數里內舳舻安流軍民稱便但河  
去老堤太遠瞻顧不及堤壞不修遂致水入圍田又成  
一湖而中土堤遂潰壞則東堤猶受數百里湖濤故有  
昨歲清水潭之決蓋勢所必至也今若盡復白昂舊蹟  
策非不善但標估銀二十三萬有奇比之白昂所費尚  
不及半誠恐修築不堅數年復壞反成虛費則不如照  
宏治年間侍郎王恕議就老堤爲越河只修築東西二  
堤爲費既省而循堤率挽亦可隨壞隨修高郵旣完徐  
及寶應謹將切要事宜條爲四議其一曰設處錢糧二

日燒採磚石三日分募夫役四日委官分理下所司於是修復高郵西湖老堤傍老隄繇圍田改挑康濟越河並築中堤按高郵捍湖老堤長亘四十里永樂年建至宏治間白昂於境內越民田三里鑿康濟越河通餉避河者爲東堤其捍隔民田者爲中堤中堤之中有田數十萬畝則圍田也嗣後圍田淹沒老堤傾圯萬歷三年泗水南下衝決清水潭等處故塞決後卽議修老堤整砌磚石改越月廢東堤改築中堤以便牽挽湖堤迄今堅固越

河利涉

五年巡按御史陳世寶請修寶應湖堤補古堤

以固其外于古隄東再起一堤以通越河使運舟于此經行漕撫吳桂芳增築山陽運堤自板閘至黃浦長七十里閉通濟閘建興文閘及修新莊等閘六年總河潘季馴砌寶應八淺石閘八十五丈六尺修復淮安新舊閘壩遷通濟閘於淮安甘羅城南以納淮水故道盡復

七年潘季馴題稱淮安一帶黃淮灌入運渠高墊且閘水湍發啟閉甚難查照平江伯所建清江福興新莊等閘遙互啟閉以防黃淤又水發時閘外暫築土壩遏水頭以便啟閉水退卽去壩議欲修復舊規勢豪人員不敢任情阻撓從之八年給事中尹瑾言淮河一帶先年平江伯陳瑄開鑿時原恐阻淺剏立裏河歲一挑浚今狂流既息積沙未除外河日深內河日淺宜照南旺事例三年兩挑潘季馴言淮南水患其源在淮黃其重在運道而民生利病實相關焉往年高堰不塞閘禁不嚴而淮水始南黃水又從天妃閘灌入致淮揚一帶浸淹

城市興鹽等處田廬盡成昏墊清口遂淤海口因塞今築高家堰改天妃閘復三壩嚴啟閉而淮黃二水可免南奔之患塞黃浦入淺修復寶應上石堤而興鹽一帶俱有可耕之田清口因淮水衝刷而日深海口得淮黃合流而大開又言高郵南門舊橋口應改建減水壩一座寶應子嬰舊閘及泰山廟後輒開九淺石閘應改建減水壩三座然減水閘僅可洩尋常盈溢之水至伏秋霪澇與天長六合諸水陡發注湖瓜儀二閘宣洩不及查揚州灣頭原有運鹽官河一道內由芒稻白塔二河直達大江勢甚通便年久淤淺侍郎王恕曾議挑濬計

長三百四十里工費不貲又私販潛度難防遂中寢不知洩水每年止五六七八四箇月若壩口密佈樁柵令白塔巡司防守自可禁絕又言高寶江都堤內田地及興泰山鹽地方外受減水閘之餘瀝內蓄時伏連綿之積雨皆由射陽湖經朦朧喻口出廟灣入海渠道見存計長一萬二千六百丈宜興役疏濬十年先是河道尚書凌雲翼言清江浦河堤夾隣黃河邇來水勢南趨恐黃河決嘴運道可虞欲於城南窰灣自馬家嘴歷龍江至楊家澗出武家墩另開新河通運道在司道張譽等初議從武家墩折而東仍合通濟閘出口給事中尹瑾



疏論武家墩不可開通濟開合流之議可從至是新開永濟河成長四十五里建閘三座十二年吏科給事中陳大科言漕艘歷高寶抵淮寶應汜光一湖浩蕩無際槐角樓一帶據湖之中其形如甕兩翼向爲運道梗所司議開越河而一主圍田以防夾攻一主靠堤以省修築昔白昂康濟一湖圍田之制也比吳桂芳靠堤開越河十餘年來未聞衝圯臣以爲靠堤便部覆報可先是汜光一湖上接淮泗長合七十二山之水下通興鹽新興伍祐等場由射陽湖穿廟灣注海國初平江伯築堤於湖之東蓄水爲運道上有所受下無所宣決爲八淺

滙爲六潭田廬淹沒不可以舟淮水間從周橋漫入直  
射寶應至是始挑越河三十六里南北開二座明年河  
成賜名宏濟後閘水湍流損船改平水閘十六年科臣  
常居敬請築寶應西堤以束流漕寶應湖口運道所必  
經挑濬徒勞淺澁日甚緣水勢散緩泥沙易停議於山  
陽一帶培築西堤以束水勢令無壅淤則糧艘不阻一  
砌邵伯湖堤以免歲修邵伯湖一淺二淺等處正當波  
濤衝擊而排椿廂板其何能禦應包石以捍其悍是年  
開諸閘月河板閘清江福興通濟新莊各閘上隔黃河  
倒灌之患下使節宣之勢近來黃強淮弱五壩不通閘

座不開以致泥沙內侵伏秋水溜漕舟上開難若登天  
每舟用絳夫三四人猶不能過用力急則斷纜沈舟  
至是于各閘旁開月河一道避險就平以便漕輓河防一覽  
云河口諸閘之設先臣平江伯陳瑄殊有深意蓋節宣  
有度則外河之水不得突入運河之水不得盈漕非惟  
清江板閘一帶堤岸易守而寶應諸湖亦緩此一派急  
流矣但啟閉之法非嚴不可如啟通濟閘則福清二閘  
必不可啟啟清江閘則福通二閘必不可啟啟福興閘  
則清通二閘必不可啟啟河水常平船行自易單日放進  
雙日放出滿漕方放放後即閉時將入伏即於通濟閘  
外填築軟壩秋杪方啟啟後即閉時將入伏即於通濟閘  
例行之其於河道關係不小也舊通濟閘逼近外河  
河形淺直水勢洶湧不便啟閉而朱家口一帶堤岸尤  
爲難守今移閘於甘羅城旁改河於西南隅而於舊閘  
內半里許築攔水大壩一道置朱家口於度外似爲得  
策矣但大壩最爲喫緊萬一傾圮則新河與舊河之水  
併瀉入閘勢必不支每歲四月初須專委一的當義民

官撥夫十餘名量備椿草守之毋忽毋忽議者又謂從大壩迤東兩頭直接泰山築堤一道僅三里許則壩東與高堰七里墩迤北兩岸一帶堤岸俱不須守而堤內之田皆可耕矣冬涸之時夫力稍暇卽宜圖之十七年築寶應西工堤寶應縣月河自黃浦至三官廟前長二十里水多旁潰入湖致流緩沙停新開一帶淺阻今加築西土隄一道長三千六百三十五丈束漕水省挑浚費又築西隄一道縣西十餘里有白馬湖當湖心而東卽八淺隄往歲堤決湖水奔逸建碇而下舟楫遇西風輒沉溺決處濶八十餘丈深二丈五六尺屢築無功議從湖心淺處先築西堤一道以捍其外仍於河南北截壩二道暫令運艘越湖行堤壩成則八淺正火瀦

水不流捧土可塞二十八年挑邵伯越河長十八里又挑界首鎮越河長一千八百八十九丈七尺各建南北石閘二座邵伯越河又建減水石閘一座以避湖險三十一年初清口陡涸運船不前河臣曾如春言水涸之故大都因淮黃交匯河底衝刷深且五丈外低內昂勢不能伏漚而上陡涸病根皆原於此今所恃高寶諸湖之水臣檄行封閉甚早不令旁洩北引接運頗有餘資欲因便於高寶湖水建閘浚渠節宣用之正陳平江已然之明效也目前濟運似無踰此部議從之

按如春所言則萬歷

時已資淮水濟運其黃淮河身日墊高仰四十年開寶運河反低亦淮揚運河古今之一大變也

應縣宏濟河北月河一道長一百三十丈南月河一道  
長一百五十丈又建近湖西堤九淺七淺滾水石壩二  
座宏濟河南北二閘夏秋淮水漲發二閘不及吞吐行  
舟覆溺至是挑月河建滾壩分殺河怒水溜遂平天啟  
元年六月霖雨不止裏河堤岸衝倒水由二舖灌入三  
城平地深一丈三年濬新河淤淺自楊家廟至文華寺  
長七百一十七丈萬歷初年重運由清江出口稱艱漕  
撫凌雲翼開新河七十里行運一年以部稅旋閉而正  
河三十年未挑故議先挑新河俾回空無阻此歷代田  
淮安至瓜儀運道所經之大畧也

國朝定鼎燕京歲漕東南四百萬石由江涉淮入黃河  
進董口由徐塘口經沔河會通河衛河邇大通河以達  
京師按淮安府運河自揚州府寶應縣西北二十里爲  
黃浦雙牖入山陽縣境又西北十里爲涇河牖十里爲  
平河橋又折而東北四十里逕楊家廟十里達府又折  
而西北迤東北十五里爲板牖淮關在焉又迤東而北  
十五里爲清江浦又西北二十里爲天妃牖折而東出  
爲運口黃河自西橫絕而東淮自西南出清口匯河糧  
運越甘羅城順流過惠濟祠折而西北穿黃河入楊家  
莊運口西爲

御示牘又西爲鹽河牘逕清河縣北又西北逕三岔凡十七里入桃源縣境是爲下中河五里逕來安集五里逕衆興集八里逕悅來集又西北入宿遷縣境爲上中河順治八年大挑漕河康熙六年決江都運河之露筋廟堤次年堵塞七年遣大臣明珠等相視海口開天妃石碇白駒等閘毀白駒奸民閉閘碑按舊制東下河屬南河統轄爲運河閘水東去必入海口關係漕河民田非輕近各場海口多廢不修港口或爲勢家占奸民營種堤外草場爲稻田不利開閘是以各閘俱廢間有閘口尚存閘板無有用土實填河身淤淺滿而不流雖奉



自開放時閒時塞宜設河廳一員專司之上河水盛放閘  
卽徹底開放各場閘河漕民兩利九年決清河縣運河  
之密灣文華寺高郵州運河之茶庵清水潭江都縣運  
河之東堤四濇大修淮揚堤岸十年總河王光裕言循  
天妃而下見黃流倒灌直入運河以天妃一閘不能下  
板漕河淤墊兩岸潰決查天妃閘內舊有五閘遞互啟  
閉今僅存二閘其他閘俱廢宜照舊基復建福興一閘  
啟一閉二再大挑運河使深以復河身之舊從之是年  
清水潭決十二年江都芒稻河改造閘門迎金灣河建  
灣水壩於邵伯南十三年塞清水潭決口十四年決江

都運河之邵伯十五年決山陽之山東厥淨土庵高郵之清水潭陸漫溝江都之大潭灣等處十七年河督靳輔築江都漕堤以高郵清水潭決口深不可築更於湖中繞廻開河一道改築東西隄與舊堤相屬河成名曰永安河大挑淮揚運河增築兩岸塞決口三十二處改南運口於三汊河十八年塞清水潭大決口移運口於爛泥淺文襄公治河書曰大江以南各省漕運自瓜儀而北凡四百五十餘里至清江浦天妃閣以入黃河此明臣平江伯陳瑄之所開也萬歷間河臣潘季馴以天妃閣直黃河故不免內灌因移運口於新莊閣以納清而避黃後亦以天妃名之非其故矣然其口距黃淮交會處不過二百丈黃水仍復內灌運河壅高年年挑浚無已兼以兩河漕合濞河激蕩重運出口率挽者每船常七八百或至千人鳴金合噪窮日之力出口

不過二三十船而濁流奔赴直至高寶城下河水俱黃居民至澄汲以飲于是建閘置壩申啟閉之條嚴旨刻石除重運回空及貢鮮船隻放行外卽開壩黃凡官民商艇俱令盤壩往來夫閉壩之制不獨不便于民且空重往來之時仍不能禁黃流之不入乃不得已之圖非不易之策也蓋因當時太山墩一帶及七里墩外皆森然巨浸舍新莊閘之外別無彼善于此之地地形水勢實限之以不得不然耳自黃河倒灌以來西北自白洋河于家岡一帶直接泗洲東北自吳城張福口一帶直至武家墩卑窪者悉變爲高原清口以內裴家場帥家莊壩泥淺周圍數十里凡墊成平陸之處臣挑引河四道淮水仍出清口是則黃流之灌在當時誠大爲運河之害而在今則頗受其利矣何也清口兩岸墊高天然成隄黃淮不得交漫一利也太山墩上下洪濤盡涸而運河之地形愈加完固建閘置壩可以惟我之所擇二利也清口之內橫亘灘洲淮盛則泗水滔滔北注淮弱則湖水常有所蓄以濟運而不至於盡洩卽黃漲內乘亦限于灘洲而不得縱不久而淮水盛長卽便抵回三利也因而譬之清口全淮之口也洪澤湖其腹也所挑裴家場帥家莊壩泥淺諸河則其咽喉而新莊閘河

岸則其唇吻也夫以黃河之悍烈而運口出於唇吻之間宜其淺露而無庇徑直而受灌濟運之清淮反爲濁黃之所抵而不得入也於是酌議拜疏移運口於爛泥淺之上自新莊閘之西南挑河一道至太平壩又自文華寺永濟河頭起挑河一道引而南經七里關復轉而西南亦挾之太平壩俱達爛泥淺之引河內則兩渠並行互爲月河以舒急溜而備不虞外則河渠離黃水交淮之處不下四五里又有裴家場帥家莊二水乘高迅注以爲之外捍而爛泥淺一河分其十之二以佐運仍挾其十之八以射黃運艘之出清口譬若從咽喉而直吐卽伏秋暴漲黃水不特不能內灌運河並難抵運口間遇東北風大作累日不止濁流乘之而風颶溜駛不旬日而停沙一刷無遺矣是以通年以來重運過淮揚帆直上如歷坦途運河永無淤墊之虞淮民歲省挑浚之苦矣雖然旱澇不常湖水設有時而淺涸諸引河勢不能暢注而俱出則寧使裴家場之水斷流而爛泥淺一道務須挑浚深寬毋或緩此而顧彼十九年再置滾此則意外之虞不得不預爲之籌者也

水壩於高郵城南八里創建山陽運河之鳳陽廠減水

壩一座二十年增置高郵南北減水壩共六座又改建減水壩二座二十二年大修運河兩岸隄工建邵伯南減水壩二十三年重挑金灣人字河建惠濟閘在清河縣馬頭東南七里溝舊名通濟閘明嘉靖年建引淮水以達漕運後以河水南侵閘底淤墊至是新鑿漕河於迤南三里更建閘座爲新運口閘名惠濟吏部尚書伊桑阿等疏稱臣等祇遵

上諭將興化鹽城等州縣海口詳勘得山陽寶應高郵江都泰州興化鹽城等州縣之水原從車路河白途河等處流入運鹽串場河出白駒場丁溪場草堰場劉莊場

等十餘口由苦水洋鬪龍港信陽港廟灣入海今因年久車路等河串場河及各場出口俱被沙土淤淺比高郵興化等處河身反高以故水雖仍流而蓄水不能出口今將減水壩一帶運河水口夾濬導流將會流串場河之車路等河及串場河白駒丁溪草堰場等口俱挑濬深濶引高郵等州縣滴水入海庶永免水患生民得以樂業矣二十七年創浚中河靳輔疏言查臣先於謹陳河工善後事宜等事案內

請於清河縣西仲家莊地方創建雙金門石閘一座以洩黃河之異漲今將拽水雙金門閘改爲三丈深之單金

門大開一座又於攔馬河之西加挑運河二十餘丈築成兩岸堤堤工直接張家運口并再於遙樓二堤之中加挑中河一道上接張莊運口并駱馬湖之清水下歷桃源清河山陽安東以達於海俾將來重運糧船既出清口之後於黃河內止行數里卽便由仲家莊閘內進入中河自中河歷攔馬河直進張莊運口北上則此閘既洩黃漲而又能使各船避黃河之險溜行有緯之穩程是大有益於轉漕而各工運料亦可不至稽悞誠一舉而三善備焉者其加挑中河并攔馬河以上之運河所需增費容臣總於屯田案內設處奏用不復更請錢

糧三十三年築中河兩岸束水堤修廣濟閘在清河縣  
西仲家莊舊名仲家閘至是修之改今名三十四年建  
永濟閘在甘羅城南太山墩北與惠濟閘相望亦通漕  
運又建康濟閘在治東陶家莊右又建雙金門閘在廣  
濟閘北鹽河內又建小閘在雙金門閘北三十九年總  
河張鵬翮浚人字河雙橋灣頭二河浚張福口至高郵  
界首居濟一得曰國家數百萬漕糧皆資一線之運河  
豈可不使之深通哉兩年以來見運河口每苦淺  
澁而界首一帶如興文閘子嬰溝等處放水灌田則舟  
苦難行蓄水行舟則民苦無水此豈善全之謀乎故於  
運河口及界首至揚州一帶宜大爲挑濬務使深通而  
於全河尤宜大挑務使水由地中行而不專借隄以束  
水則水雖有盛大之時終無泛溢之虞或以既經挑挖  
不便再題請帑則於年終題明開闢自十二月十五



開壩至正月十五日開壩用河兵分段挑挖每年一次  
歲以爲常則運河不患其不深矣要比現今河底再深  
二丈則運河乃成雖有大水淮揚不至受害矣再將運  
河東減水開壩底低下數尺則河旣不淺而水有所歸  
自無涇沒之患矣 改築高郵城南減水五壩爲四滾水壩四十

年張鵬翮疏陳開壩節宣之法

疏言臣按南河志清口

啟開以防黃水之淤又慮水發湍急難於改開築壩以  
遏水衝每歲糧船過盡卽於開外建壩以遏橫流一應  
官民船隻俱暫行盤壩由此而觀則是伏秋水發黃河  
倒灌自古而已然矣故建開築壩以防淤墊之患今運  
河初經挑挖俟清水衝刷使深河底尺寸旣定方可建  
開臣於覆科臣陳詵復開疏內曾經題明在案茲清水  
雖已出黃轉盼挑伏秋汛繼至節宣之道預防之法不  
可不急籌也今於張福口裴家場中間開引河一道會  
張福裴場等引河之水並力敵黃但黃水會合衆流來  
自萬里頻年河身墊高勢大而力強淮水止發源桐栢  
迤今方出清口一半敵黃又一半濟運終虞力分而勢  
弱故蓄高堰之水以助其勢幸而黃水不大亦足以敵

之若遇黃水大發在糧船過完之後仍遵

有

堵開掘黃壩使不得倒灌且可以刷深黃河在糧船正

行之際遇黃水大發將裴家場引河口門暫閉引清水

由三汊河至文華寺入運河以濟運行倘運河水大山

陽一帶由徑澗二河洩水入射陽湖下海寶應一帶由

子嬰溝洩水入射陽湖下海高郵一帶仍由城南栢家

墩二大壩洩水入射陽湖下海高郵一帶仍由城南栢家

入江若遇黃淮並漲清水由翟家壩天然滾壩洩出黃

水由王家營減水壩洩入鹽河至平旺河下海若糧船

過完黃水不大發將運河頭壩煞壩令清水全入黃河

以資衝刷一切官民船隻照往例盤壩俟回空糧船到

日方可啟壩止留三汊河清水仍由文華寺入運河即

古人設天妃閘於糧船改浚中河疏言臣先經具奏舊

遇後閉閘築壩之意也改浚中河中河可以修堤仍由

舊中河行運如不能築隄將新河密度形勢另疏奏聞

臣謹率淮揚道王謙等查勘得新中河必須全身挑挖

兩岸子堤全行加幫工費頗鉅而河頭灣曲糧船行走

不順且三義壩以上三十一里河身淺狹遇湖水大漲

恐不能容舊中河自河頭起三十二里至三義壩河甚

寬深但壩以下至仲莊壩二十五里甚淺南岸河水散

漫難築子堤且距河岸甚近今議在三義壩將舊中河  
築欄河堤一道改入新中河則舊中河之上段與新中  
河之下段合爲一河糧船可以通行無滯至中河應挑  
應築之處關係運道緊要工程一面發帑委官作速興  
修一面確估造冊另疏具題四十年建造天妃開龍汪開  
今仍在大王廟前有迎清通黃之勢舊築大墩一座置  
頭二三四草壩束水濟運康熙四十年於舊大墩西接  
築欄湖堤一道長一百四十丈內外排椿鑲埽又接建  
新大墩一座周圍三十五丈通清水七分敵黃三分濟  
運又於大墩下運河口門築欄河壩四十二年浚界首  
南北長三十四丈以禦湖水異漲  
以下運河雍正六年加修運口平橋清江三泖土埽磚  
石等工七年幫高寶清江運河隄岸十年總河嵇曾筠  
建運河西隄石牐一座設版啟閉以通黃墩湖水濟運  
移建清河縣運口天妃牐於二草壩下北岸堤內又挑

引河十三年修築清江浦龍王廟又挑鳳陽厥引河乾隆二年  
前總河高以舊運口徑直

題請另闢新運口在舊口之南七十五丈詳見後圖說  
內

中河附

國家歲漕東南四百萬由江涉淮入黃河進董家口康熙十六年河決楊家庄運道阻塞總河靳輔開中河自清河縣仲莊至宿遷以避黃河二百里風濤之險漕艘稱便繼有以爲狹而罔濟者三十八年總河于成龍奏請中河南岸甚窪子堤不能久立將北岸改爲南岸另築北堤從中挑河建閘謂之新中河而舊中河廢三十九年總河張鵬翮以新中河敝壞已甚河首紕曲不利行艘且三義廟以上三十餘里河身淺狹湖水驟漲難以容納舊中河河首至三義壩河身深廣勝新河惟

自壩下至仲莊閘河身極淺南岸湖水散漫難築子堤兼距黃河岸近防守不易遂於三義壩築堤一道截舊河改入新河用舊中河上截與新中河下截合爲一河以行運又於河之首尾各建石閘以時啟閉四十二年上諭以仲莊閘緊對清口有碍行運又於陶莊閘下挑引河一道改從楊家莊出口並建束水草壩三座至今糧運往來通行無滯矣

運口 附

運河古山陽濟隋文帝開皇六年開五代時湮周浚之  
歷宋及元時加疏浚以爲運道東南歲漕自儀徵至淮  
安府東入淮謂之裏河黃河謂之外河本不相通故糧  
運至淮分五壩轉盤輓運永樂中平江伯陳瑄開清江  
浦改運道從府西歷三十里入七里溝東界南出三里  
溝逕通黃河建移風清江福興清莊四閘又於運口建  
天妃閘以資啟閉每三月以後糧艘過畢卽封閉各閘  
凡官民往來仍轉盤過壩其後成法漸弛閘不能閉黃  
流灌淤乃塞天妃口別開三里新河設通濟閘以通淮

啟閉不時後復以歲久閘壞萬歷三年重修復嚴啟閉之禁六年總河潘季馴以閘下河直黃流易致內灌閘亦漸圯乃遷建於甘羅城南以納淮水七年設官奏復漕河舊規於六月初就閘下築壩九月初開放天啟四年建通濟月河小閘互相啟閉然距淮黃交匯處不過二百餘丈黃水仍不免灌淤運河阻塞時告康熙十年以天妃閘塞乃於清河縣東腰舖界內支河之達張福口者疏浚通舟總河王光裕又建議復設福興閘與惠濟遙互啟閉以防倒灌事不果行十七年總河靳輔於清口內墊成平陸之處開引河四道以引清水敵黃並



分爛泥淺之水二分濟運十九年復移運口於爛泥淺之上自新莊閘西南開河一道至太平壩又自文華寺永濟河頭起開河一道南經七里閘復轉而西南亦接太平壩俱達爛泥淺之引河內則兩渠並行互爲月河以舒急溜外則離黃淮交會之處已八九百丈可免倒灌之虞三十二年建大墩於運口以挑湖水四十年於墩西接築排椿攔湖堤又接建新大墩四十六年復移天妃閘於運口頭草壩之北四十七年

聖祖仁皇帝南巡視河

諭令總河張鵬翮將大墩分水處加築寬二丈共周三十九

丈挑淮水七分敵黃三分濟運大墩之下建築頭壩以束水乾隆二年前河院高以舊運口徑直去黃淮交會處不遠每遇西北風勁或淮水微弱時黃水仍復倒漾運口日復淤淺因題請另開新運口在舊口之南七十五丈避黃流而就清淮通道永賴矣

淮安府志卷之六

總說

淮郡東南澤國也黃運貫其中大海襟其左其西南則洪澤湖週道五百餘里淮水瀟焉而清黃交會處又爲漕運出口入口之咽喉隄防所係蓋綦重矣夫黃河由東豫二省入江南徐州境歷邳宿山清安阜以至海口其初皆屬淮郡迨邳宿改隸徐郡則自桃源始來源益遠水歸益衆河形益窄溜勢益駛南北堤岸各三四十里險工林立防守爲難前人設束水攻沙之法蓄淮刷黃疏浚海口一以去淤爲急下流宣暢自不致有壅滯

潰決之虞也運河自宿遷界至清邑楊家莊運口名中  
河乃靳文襄公創開引駱馬湖水濟運以避黃河二百  
里風濤之險者其後總河于成龍張鵬翔相繼改治詳另  
中河至今由之渡黃而南則自清口入天妃閘經清江  
浦過郡城以迄黃浦屬襄河其間改設運口增建正越  
閘座接築束水東壩加寬清口大墩所以防黃水倒漾  
也兩岸建設支河涵洞備宜洩也口門上下多設草壩  
束水勢也加築子月格堤防潰決也自清口以下運道  
全資淮水淮水發源胎簪下桐栢挾七十二山河之水  
匯歸洪澤湖前人設高加堰障之以保下河州縣復多

開引河導之西北流以濟運其入海之壑爲黃所奪故清口通塞不常抑濁揚清之法務閉六壩築高堰疏浚七引河厚其涵蓄防其漏洩以壯其勢俾三分濟運之餘助黃刷沙自潘少保以來從違得失可攷而知也昔人以淮河爲黃運樞紐治淮卽所以治黃黃淮順軌運道自無不治

國朝自靳文襄公四任總河而河工大治其後總河董安國誤築海口攔黃壩開馬家港導河北流入海拂水之性致黃水倒灌清口爲陸海口淤塞淮揚常罹水患康熙三十六年河決安東時家馬頭高堰圯淮失其軌不

復北流者數載三十七年黃淮並漲河水倒灌洪澤湖  
從六壩旁洩由運河入下河民田被淹是年董安國罷  
以于成龍總督河務三十八年黃水倒灌運口淤墊清  
水漫溢六壩流入高寶諸湖下河淹沒

聖祖仁皇帝南巡視工頻頒

諭旨相機堵塞時家馬頭決口又

諭河臣于成龍築清口挑水壩挑黃水趨北岸拆攔黃壩十  
七丈挑新中河而舊中河廢是年署總河徐廷璽又拆  
攔黃壩二十八丈估挑海口引河三十九年兩江總督  
張鵬翮總督河道欽遵

聖祖仁皇帝密授方略盡拆攔黃壩易名大通口塞馬家港  
支河使海口暢流築清口攔黃壩杜黃水倒灌開張福  
口等七引河堵閉盱堰茆家園唐埂等六壩築高堰逼  
清水出口會黃入海以刷河身改新舊中河爲一河以  
通運道開清河縣陶莊引河疏山陽縣涇澗二河洩河  
湖漲水塞時家馬頭缺口復挑韓家莊引河以保安東  
四十年大挑張福口至界首運河四十二年

聖祖仁皇帝南巡親視河工

命改中河由楊家莊入口漕運稱便築桃源縣龍窩烟墩張  
家莊九里岡半路劉等處挑水壩上游險工悉平河自

三十五年敝壞以後至此黃運安流淮水暢達海口深  
通有河工告成之慶四十五年黃水異漲王營壩減水  
冲塌中河子堰疏鮑營舊河分洩之四十八年建桃源  
縣大王廟東挑水壩又建談家莊壩五十年築山陽縣  
朱家溝險工五十二年築桃源大王廟談家莊挑水壩  
各一座又築安東縣時家馬頭月堤窑灣月堤五十五  
年築桃源縣半路劉月堤安東嵇家馬頭月堤單家莊  
月堤五十六年築安東縣齊家馬頭月堤建桃源縣胡  
家莊挑水壩五十八年決山盱茆家圩頭壩尋塞開清  
河縣王營鎮東引河分溜趨北以保老壩車路等工六



十一年桃源九里岡告險總河陳鵬年率屬搶護於對岸于家岡開引河分溜南趨宜洩積水雍正元年

命兵部尚書齊蘇勒總督河道奉

旨仍建河口東西兩岸蓄清敵黃二壩築桃源縣胡家莊片

堤又築七里溝月堤二年設河東副總河築山陽縣上張莊東西堤大挑淮揚運河三年築桃源縣烟墩月堤山陽縣尹家莊月堤因知安東縣余光祖請加築安東南門大堤是年秋汛暴漲蓄堤賴以得免河決上游睢寧縣朱家口四年塞朱家口總河齊蘇勒題請以河工人員調補沿河州縣

疏畧云黃運兩河攸關緊要沿河州縣同心共濟呼應靈而成

皇上

功速查江南徐邳豐沛蕭陽靈璧睢寧宿遷虹縣桃源清河安東山陽寶應高郵江都等所屬沿河十七州縣為黃運兩河必經之地百川總匯之區甚為緊要嗣後遇有此等沿河州縣缺出仰請

敕令江南督撫准照東豫兩省之例於所屬現任州縣

內揀選會同保題引

見請補如州縣內難得其人即在佐貳各官內揀選保

題補授再查豫省奉

旨

定例沿河府州縣有才爛河務者准令河臣會同撫臣

保題陞調河工之道廳其河工之廳汛有才守兼優

者准令河臣會同撫臣保題陞調沿河之府州縣通

融調補更於河防有裨奉

旨

行

五年築桃源縣烟墩越堤胡家莊小月堤顏家莊月格

堤高家灣月堤七里溝格堤九里岡格堤單家莊月堤

又築清河縣王家營堤工山陽縣孫金莊堤工帮山陽

縣王公堤工高家灣吳城縷堤上張莊至三岔縷堤柴市至沈家莊縷堤創築安東縣佃湖月堤七年設河東河道總督俾江南河督耑理南河是年桃源縣北門告險署總河尹

題建護崖埽工以保城社所調沈家莊工也八年秋沃異漲東省山水暴發滙歸駱馬湖浮黃溢運南注洪澤湖河決山陽沈家圩安東陳家社又決中河劉家灣等子堤九處時篆宰嵇文敏公總督南河親歷要害探行澇之來源策異漲之去路先啟山盱天然南北諸壩分洩洪湖逆流以殺水勢繼塞外河安東決口使黃水歸漕

徐定善後之策遂請築禹王臺竹絡壩工則蒙沂諸山水不復侵沐河矣開六塘河故道則駱湖之異漲不致旁溢矣修建高堰石工估築山圩堤埽引淮水暢流移天妃閘接清口壩使漕運利涉歲加堤工以捍異漲挑浚引河以資宣洩接築四套月堤以防漫溢而大河莫定矣改淮徐道駐劄之所調廳員管轄之工責任尚統轄嚴矣設立堡房兵夫定積土章程預備歲搶上游料物立稽查條例而緩急不虞無備矣繼以

聖天子如神之智洞燭治河之道必須保固高堰堤工因爲河道民生計久遠

特發百萬帑金於盱堰堤工單薄處加修石工

欽差大人四員協同河臣辦理經始九年正月至十年告成  
金堤屹立爲下游州縣之保障誠萬年不替者也河工  
自張文端公經理而後至此又爲一治

今上龍飛之歲渤海高公繼秉河節謹守成規益求善後元  
年加挑三岔引河二年淮水微弱黃流內灌

奏請移清口建通濟福興正越四閘開張將軍廟前新河  
及越河二道又築山陽縣真武廟月堤大挑淮揚運河  
三年開山陽縣季家淺洩水溝四年加山盱龍門壩裡  
月石工二壩古溝磚工試李炳木龍挑溜法用刷陶莊

引河五年接築河口東束水壩設王家莊木龍築陶莊月堤王營減壩引河堤工六年修天妃閘築鉗口壩工幫築山陽縣吳城縷堤上張莊縷堤改設木龍又創爲放淤之法堤內閘築月堤將舊堤斜穿二口開倒鈎河上口納濁流下口出清水其泥沙盡澄月堤之內積久墊平大堤既厚埽工可停凡桃源外河安東海防險處堤工不

精畚鍤悉成寬厚其法出自心得前此未有也自公奉旨再蒞南河日以全河形勢默識胸中採輿論審便宜經畫精勁隄防周密故俯仰六年不聞有蟻穴蹄涔之失迨後總河完公一遵高公之法雖有古溝之決石林之漫旋即堵閉河賴以治繼以總河白公嚴飭廳汛廣購

料束多積土方以備緩急嗣因陳家浦之失奉

命督漕顧公署理江南河道公久任北河熟悉河工變遷之

勢凡遇河形灣曲沙嘴突出河心者悉令鑿溝三道名  
川字河久之曲者突者盡行汕刷蒞任伊始卽訪混江  
龍鉄鏡子之製令候補守備武申挑選健卒操演習熟  
於邳州安東試用果有成效後遇夏秋異漲驚濤駭浪  
拍岸盈堤與雍正八年相埒宿邑朱家閘安東西門海  
防童營白沙戴家馬頭諸處告險公晝夜搶護瀕危而  
安未必非疏浚之績也今

宮保周公奉

命總理南河素與高公同心合德既能守其成法而更斟酌  
調劑以求萬全行將奏平成而慶安瀾矣



各廳工程

桃源廳 管桃源縣黃河南北兩岸工程

南岸自徐郡宿虹廳屬之宿遷縣界白洋河鈔關口  
起下至外河廳屬之清河縣界高家灣止計程八十  
八里縷堤長一萬四千九百五十七丈六尺分兩汛  
內

烟墩汛

上自宿遷縣鈔關口起下  
接龍窩汛熊家莊下止

計四十五里零縷

堤長七千二百五十三丈三尺

堤內涵洞四座

烟墩險工

順治十六年築月堤一道  
康熙四十年築

木龍一架

乾隆十二年欽差大學士

高建設

胡家莊埽工

康熙五十五年築

月堤一道

雍正元年築

小月堤一

道

雍正五年築

李九莊險工

雍正十年築

沈家莊險工

雍正八年築

白洋河歸仁堤迤下引河一道

康熙三十九年開

老堤頭祥符閘一座

又月河一道 五瑞閘一座

引河口門束水橫堤一段 草壩一座

以上引河開壩俱康熙三

上

諭歸仁引河分洩洪澤湖水勢若黃水加長恐清弱着

將祥符閣下板堵開草壩酌量  
開放五瑞閣以助清水之勢

于家岡引河一道在九里岡對岸康熙初年決口舊有積水六十一年總河陳鵬年

題開引河以洩積水今淤廢

伍家營縷堤一道

地近半邊店東連蔣溝南接房家湖兩處引河淤墊每遇河水氾溢

題橫流十數里入南河雍正八年總河嵇淮建堤今伍家營一帶竟成沃壤矣

烟墩迤東護城堤一道

烟墩口逼近城邑順治十六年知縣鄭牧民申請加廟埽

工康熙六年口決空運船由此經馬殿湖出清口七年築塞二十六年又決總河靳題築護城堤四千

餘丈抵擋大溜不直冲城垣四十一年黃水大漲舊堤冲卸幾盡總河張拾築創工加帮本堤接築越

堤四十

二年

聖祖仁

皇帝南巡親臨相度遣分司齊蘇勒於大王廟東建挑水壩一座挑溜南趨以保城社四十八年五十二

可方

年五十七年總河趙世顯又建壩三座  
雍正三年總河齊蘇勒題築越堤

北門護崖埽工

河自單家莊南下大溜直冲北門離城僅數十步雍正七年河院尹題

建埽工保護舊堤尋遇黃水異漲汕刷舊崖堤各工危險幸賴此工保全民社年來沙淤成灘

堡房二十三座

謹按雍正九年前河院嵇題請准照豫省之例每河堤二里蓋堡房一

座設堡夫二名住宿堡內常川巡守搜巡獲洞鼠穴修補水溝浪窩每月挑積土牛以資工用十一年又

題

定兵夫積土成例除寒暑月免積其餘每月黃河一堡二夫責令積土牛十五方運河一堡二夫除糧船

往返修補犁溝穰眼外積土十二方該管汛官每月造冊彙報算入交代如不及數將專汛文員罰俸一

年該管廳員罰俸半年挑積不及一半尚汛降一級留任戴罪償挑廳員罰俸一年奉

旨准

行著為定例乾隆六年外河縣丞蔣麗詳請免積間六月上方河督高准行咨部定例

龍窩汛

上接煙墩汛熊家莊下起下至外河廳界高家灣止

計四十二里零續

堤長七千七百四丈八尺

龍窩口舊埽工

卽老黃河爲元時運道明平江伯陳開清口通運其口遂塞萬歷八年

築堤順治八年

河水異漲復築月堤康熙間總河靳

大修全河堤工後復

奏請將龍窩一工帮寬埽

臺加意甯築康熙三十五年秋汛大決後堵築堅固大溜北移漸淤成灘

張家莊舊埽工

康熙七年冲決八年築塞三十五年漫決總河張堵築四十年題請

於北岸顧家灣開引河九百二十丈引溜趨北以分水勢四十一又生險工四十二年

聖祖

仁

皇帝南巡指授方畧遣分司齊蘇勒築挑水壩本年總河張又題建月堤今工平

顏家莊險工

康熙四十一年閏六月漫決八十餘丈之處五十五年總河趙題建挑水壩

五十八年築埽工六十年加築雍正十年溜往北趨沙淤停修十三年大溜仍行南岸復生險工乾隆四

年前河院高今棄緩守月本工沙淤停修六年前復生險工內堤堤一道撐堤三道俱雍正五年前河院

齊題築今廢乾隆八年總河白題建月堤一道  
月堤內撐堤二道

李家口舊埽工卽李義口康熙四年以來屢被  
漫決之患所謂豁口是也今平

談家口險工康熙三十七年總河張題設埽工迎  
北岸七里溝鷄嘴壩陳家樓溜歷年遞

加接修現入歲修本工  
有鉄岸一座四十年置

月堤一道康熙四十年築  
撐堤二道俱雍正五年築

馬廠陂舊斜堤一道萬歷六年築舊開一座八年建  
康熙四年以後開口屢漫樓堤

潰決淹沒民田復  
築堤禦水今開

女兒堤在馬廠東北舊有險工派及  
婦女拾築故名今遺址猶存

高家灣險工康熙四十二年  
題建月堤一道康熙四十  
二年築

堤二道俱雍正五年築  
月堤下接小堤一道雍正二  
年築

堡房二十一座

北岸自宿虹廳屬之宿遷縣古城迤下起至外河廳屬之清河縣界三公駱家營止計八十八里縷堤長一萬四千八百四十一丈六尺分二汛內

崔鎮汛

卽九里岡汛上自宿遷古城起下接三義巡檢汛上渡口止

計四十四里

縷堤長八千一十二丈五尺

古城減水壩

康熙二十四年大水漫溢因建今開

九里岡險工

運河未開之前本工外還黃河內近倉基湖遙堤綿亘中央僅如一線康熙十

年增築月堤一道二十六年開挑中河之後仍爲險工三十五年中央隨經堵閉三十八年題築堵工

四十  
二年

聖祖仁皇帝南巡指授方畧於上水頭建挑水壩一座前河

臣張隨

駕幸九里岡日龍門工所欽奉

上諭再於九里岡埽工釘椿處建挑水壩二座四十八年

至六十年總河趙題建挑水壩共一十三座護產

埽工一道

月堤一道 東格堤一道 俱雍正五年建

崔鎮石閘一座 康熙十年建

半路劉險工 迎九里岡溜康熙四十二年建月堤一挑水壩并護產埽工歷年加接

道 康熙四十年築 小月堤一道 五十五年築 月堤內撐堤 雍正五年

築月堤下接小月堤一道 乾隆八年 又小月堤一道 乾隆

九年築

曹家嘴漫口 康熙四年水漫堵築今平



單家莊險工

迎南岸胡家莊沈家莊  
潤雍正六年題建

大月堤一道

月堤內撐堤

俱雍正五年築  
又月堤一道乾隆八年築

徐昇壩險工

康熙四年夾口處七年築塞乾隆十年  
大溜下移刷去沙灘逼近後堤十一年

署河院題

題建

堡房二十二座

黃家嘴汎

即磯嘴汎亦名三義汎上接崔鎮汎界計  
上渡口起下至外河廳界駱家營止

三十八里縷堤長六千八百二十九丈一尺

七里溝險工

迎南岸顏家莊潤康熙五十二年至六  
十年總河趙共題建挑水壩四座

並護崖  
埽工

大月堤一道

雍正元年築

大王廟後格堤壩尾撐堤雍正五年築

陳家樓舊埽工康熙九年冲决十年築塞

王家嘴舊埽工康熙七年决口十年築塞

新莊口排椿工康熙二十七年建 按萬歷十三年

黃水之勢當時稱便至崇禎十年淤塞康熙七年河

决黃家嘴七里溝陳家樓俱過新河下流十年移改

季太減水壩建石閘於此名支河壩自靳文襄公開

中河遂建排椿工至三十二年石壩閉塞椿工遂廢

三義舊減水壩萬歷七年建康熙六年後時開時

三分險工迎談家莊溜康熙三十四年建月堤一道康熙十七年築

月堤內撐堤雍正五年築

堡房十九座

外河廳 管山清二縣黃河南北兩岸工程

南岸自桃源廳界高家灣起至海防廳界山陽縣西

新港工頭止計程一百五里縷堤長一萬八千一百

八十五丈七尺

原管至山安交界止雍正九年總河嵇題准將南岸上河汛界以下堤

工分屬海防 分三汛內

清河南岸汛

上自桃屬龍窩汛界高家灣起下至山陽縣外河汛界季家淺止 計三

十一里二分縷堤長五千六百十五丈

蓄清東壩迤南緯堤一道

乾隆八年修

甘羅城堤

康熙三十八年加幫

卞家汪石工

舊係埽工康熙四十年改建石工置鉄犀一座

天妃壩石工

萬歷七年建設十五年加釘排椿內外用石包砌康熙二十九年修砌石工三

十一年添設  
鷄嘴壩一座

惠濟祠石堤

舊係埽工康熙三十九年改建石工

高家灣埽工

舊設

御壩一座

康熙三十八年

聖駕南

巡親示機宜定椿建築挑溜北趨歸北岸陶莊引河不致逼向運口使淮水暢流刷黃濟運四十年建築上下雁翅後遇四十一年洪水異漲清黃俱順軌而東絕無壅抑之虞

御壩迤東頭二三壩埽工并龍亭護崖埽工

雍正十年

龍亭前護崖埽工

雍正十年築

清口東西兩岸蓄清敵黃兩壩

旨仍

康熙三十七年建後廢雍正元年奉

并上下雁翅令每年伏秋汛內遇洪湖盛漲就水勢  
大小量拆東壩至二三十丈使清水暢流以保高堰  
堤工霜降水落後視  
水勢大小量行補築

甘羅城西埽工

康熙三十八年

卞家汪護石埽工

雍正十年

天妃壩石工外護石埽工

雍正十年築  
乾隆十年加築

關帝廟前挑水壩工

惠濟祠前挑水壩工

康熙二十四年奉

上諭建築雍正十年加長

祠前臺基下埽工 祠旁護石埽工 俱雍正十年築

祠西拐角挑水壩埽工 康熙二十四年築 雍正十年加上下雁翅

祠前護石埽工 祠後護石埽工 乾隆十年築

地藏菴護石埽工

御壩下首木龍一架 乾隆四年建 挑溜趨北岸

御壩上首木龍二架

王家莊木龍五架 乾隆五年 六年建設

欽差大學士伯鄂 巡視南河相度清黃交匯形勢擬於

御壩之外添建大壩挑溜北趨並議疏浚陶莊引河 是年冬總河高 奏請用効力州同李炳條陳試建

木龍挑溜奉

旨准行遂令李炳督造木龍設王家莊等工數年以來黃

聖祖仁皇帝

命於南岸

八年

溜中法現行陶莊引河舊址南岸頭二三壩險工盡  
皆淤閉誠良法也李炳木龍說畧云木龍之制初始  
於宋史載天禧五年陳堯佐知滑州以西北水壞城  
無外禦橫木條置水旁以護岸謂之木龍曾鞏爲堯  
佐立傳具載木龍事元賈魯塞北河口亦用木龍其  
初法不傳今所建木龍用以挑截黃溜輒能化險爲  
平且力能移河左右惟其所指謹按清口上關漕運  
咽喉下係淮揚命脉誠爲河防第一要工向因北岸  
陶莊一帶淤漲沙灘挑逼黃流南射清口每當淮水  
稍弱輒以倒灌爲虞屢挑引河迄無成效康熙三十

南岸建築挑水大壩經理六年始竣所稱

御壩是也前後費帑累數十萬嗣因北岸漲沙日寬

大溜益復南趨雍正八年始於

御壩下雁翅接築頭二三壩並

御碑亭後鑲埽護堤節年歲槍各費亦復不貲乾隆

四年大學士伯鄂奏請開復陶莊引河更議於

南岸添築挑水大壩蒙河院高下採末議委炳

建造木龍挑開大溜北刷陶莊沙灘南岸淤漲工開

諭旨

欽奉

試有成效遂於五年正月備陳入

批且試行之俟再有成效則甚美事也隨後恪遵

諭旨審形勢加增木龍歷今數年前北岸清口舊灘原

寬一百九十餘丈長八百丈今已冲刷者今已環張沙

御壩原出河心四十丈當全河頂冲者今已環張沙

州寬五六十丈至百餘丈長九百餘丈現在黃河大

溜循行北岸向之所議引河壩工均可毋庸挑築而

清水出口順暢會黃東注入海此數年來建設木龍

之本末與清口南北兩岸坍漲之情形也至乾隆七

年夏秋洪湖盛漲會奔清口東西鈐口壩以及運口

等處在在危險炳隨於東壩內償紮木龍一架以護

壩基又於壩外捆編長筏破開洄溜更紮攔水二十

道攔護壩內一帶緯道堤岸並於運口裏河編筏長

二十丈橫亘水面便於隔河取土運料是皆仰遵

憲訓咄嗟立辦化險為平旋施而輒効者爰并及之

以備攷

查云

堡房十五座



山陽南岸外河沃

上接清河南岸沃界季家淺起計下至上河沃界三分隄頭止

五十七里縷堤長一萬二百六丈

王公堤舊埽工

康熙五十八年淤

王公堤石工

萬歷三年漕督王宗沐捐築康熙十八年修三十八年加高四十二年又率

**上諭**  
加帮

上水頭舊挑水壩一座

康熙四十四年奉

**上諭**

築按靳文襄云此堤一線石工內捍運河外抵黃淮二貢之衝為國儲咽喉要地一有疎虞不特烟火萬家舉為魚蟹而自清江浦以至高寶遂無運道運河決而下河千里亦必盡陸沉矣

老壩口舊埽工

雍正十一年淤

石馬頭一座

雍正九年築

小車路口埽工

雍正十年築十一年淤乾隆五年又生

大車路口埽工

康熙三十七年淤四十一年復生旋又淤雍正八年復生

兩車路口月堤一道

康熙三十七年築

朱家溝埽工

康熙五十年築後淤雍正十一年復生

洪福莊埽工

康熙四十年築四十二年又築置鉄犀一座於堤上雍正十一年修

玉皇廟埽工

雍正十二年生以上七工相連

汰黃堤一道

舊係民築順治初巡按秦世楨題令官修一名太荒堤亦名太行堤十六年

御史何可化奏稱長亘三百里爲下河各州縣保障

二堤一道康熙三十九年築卽運料河堤

柴市舊埽工鴉嘴壩一座康熙二十八年築今淤

湯董莊埽工康熙二十八年築六十年淤一半後復生乾隆七年止修九十二丈

月堤一道康熙十年築撐堤一道南北接月堤西頭穿二堤南至沐黃堤雍正五年

築

王家莊埽工康熙六十年生雍正十年接築

石閘一座卽柳園頭閘減水由運料小河沿樓堤直出雲梯閣下掌家港專爲運料而設康熙

三十一年建並未開放

張家莊埽工康熙六十年建雍正十年接修

孫金莊埽工康熙五十七年建雍正十年修撐堤一道自埽工起穿二堤至沐黃

堤雍正五年築

沈家莊埽工康熙六十年起撐堤一道雍正五年築  
連雍正十年接築以上六工相

上張莊埽工康熙十九年築

工頭西撐堤一道 工尾東撐堤一道俱雍正二年築

二堤一道康熙三十九年築

運料小河一道西至清江浦新開下萬生塔起東經  
經海防屬各汛至入海長三百餘里其在外河  
汛境內者長五千三百五十七丈二尺自康熙二十  
五年以來屢經挑浚惜未成功按此河開成則各套  
運料船沿緩堤而上兩三日可抵清江既免風濤之  
險又無濡滯之虞且使海市魚鹽一簞可達其利  
審有既哉

季家淺東三井洩水溝

南自堤外柳園起北至河又西灘洩水溝南自柳園外

起北至河俱

乾隆三年開

堡房二十八座

山陽南岸上河汛

上自縣丞汛界三分堤起下至海防廳屬董營司汛界新港工頭止

計一十六里縷堤長三千一百八十五丈

舊管至下河汛界長

五十里雍正九年自新港以東另設董營司管三十三里屬海防廳

楊家馬頭埽工

雍正十二年新生月堤一道雍正十三年築乾隆元年總河高放淤

按黃河挾數千里泥沙直下注海經流之處河身易至淤墊乾隆元年春渤海高公再蒞南河創放淤之法於河堤卑薄處圈築月堤將舊堤斜穿二小口開倒鈞河引濁流由上口入月堤水勢既平泥沙盡澄月堤之內清水由下口出大河衝刷河身而月堤之內積久墊平大堤既厚埽工可停誠創制也

尹家莊埽工

雍正十年築  
十一年淤

撐堤一道

雍正五年築

韓家莊埽工

雍正十年築  
十一年淤

撐堤一道

雍正五年築

南首月

堤一道

康熙十九年築  
以上二工相連

真武廟月堤一道

乾隆二年築

格堤一道

康熙三十八年築

新月

堤一道

乾隆七年築

放水灌淤溝六道

鄭家馬路防風一道

乾隆七年築  
九年加鑲

新月堤一道

撐

堤一道 迤東新月堤一道

乾隆八年築

堡房八座

北岸自桃源廳界駱家營起至山安廳界清河縣泗

鋪溝止計程四十八里縷堤長八千六百四十二丈

爲一汎內清河北岸汎

上自桃源屬駱家營起計四下至山安屬泗鋪溝止

十八里縷堤長八千六百四十二丈

護縣堤一道

康熙二十六年築四十年幫今民修

縣東撐堤一道

康熙四十一年築今民修

縣西撐堤一道

在仲莊開東南至外河縷堤北至中河子堤

縣西二撐堤一道

撐堤西有力家湖東西二十餘里南北二三里係積水所滙康熙五

十八年士民呈請建設汎水木洞

陶莊開內月堤一道

乾隆七年築

王營減壩引河東西撐堤

又鎮東撐堤一道

乾隆五年築內設木洞一座洩民田積水

石人溝舊埽工

縣前玉皇閣埽工

康熙十七年築雍正三年淤九年復修

李家莊埽工

後堤貼近鹽河乾隆十年秋汎水漲南岸長出沙灘挑溜北趨將外灘刷去直

埽堤根十一年總河顧題築

王家營包灘埽工

乾隆入年修

王營鎮舊埽工

舊鎮與清江浦分河為界在清邑東北三十里為陸路入京之孔道康熙

二十七年大水冲决坊市房舍盡塌于河清河令管鉅請於督撫購地一區令民聚處三十二年又被冲决復請於總河伐去近堤官柳九千餘枝復聚居民因建埽工

廣濟閘一座

在縣西三里仲家莊左原係行漕之口康熙二十六年築名仲家閘三十三年



修改名廣濟四十二年改  
挑中河出楊家莊口開閉

康濟閘一座

在縣東二里陶家莊右康熙三十四年  
築因地低未開放開外引河一道康熙

熙三十八年部臣范承勳等開以分洩黃水後淤  
五十一年復開旋復淤乾隆七年開寬今又閉

王營迤西舊減水壩一座

康熙十九年建稍東為中  
壩又東為東壩洩黃河盛

漲之水入鹽河由鮑家營至平旺河入海二十  
七年築壩堵塞二十九年復開四十四年修

新減水壩一座

在舊減壩西八十丈康熙四十五年  
築壩下引河一道與舊壩洩下之水

同行三十  
九年間成

王營鎮東引河一道

與南岸老壩口車路工對康熙  
五十八年開今兩頭俱淤止存

百餘  
丈

鮑家營舊河一道

康熙四十五年黃水異漲王營減  
壩減水直射中河兩岸受傷因疏

鮑營舊河以分洩黃流由戴范河張家集范家河三  
岔口歷項項湖入五丈河頭圖口下北潮河入海兩  
岸亦建堤埝

堡房二十四座

海防廳 管山阜二縣黃河南岸工程上自外河廳界

新港起下至阜甯縣陸家社竈工堤尾止計程一百

六十七里五分縷堤長三萬一百六十丈五尺分三

汎內

山陽縣童營汎

上自外河廳上河汎界新港頭起下接下河汎界童家營止計三

十三里縷堤長六千二十七丈五尺

新港埽工

雍正十年築

五墩埽工

雍正十年築

高家莊裏頭埽工

雍正十年築

格堤一道

斜堤一道

乾隆

十年築

周家渡埽工

雍正十年築

唐家堡埽工

雍正十年築

外縷堤埽工

月堤一道

格堤二道

雍正十年築

小茭陵埽工

雍正十年築

新港至小茭陵月堤一道 月

堤內格堤二道

康熙三十八年築

何家莊埽工

雍正十年築

大茭陵埽工

雍正十年築

格堤一道

以上五工相連

十五堡魚鱗堤

龔家營新堤

康熙年間築

月堤一道

雍正十年築

今放淤

唐嚴岡民建舊涵洞一座

蘇家嘴民建涵洞一座

每年相機防守

汰黃堤一道

詳外河縣丞汛內

堡房十七座

阜甯縣下河汛

上接童營巡檢汛界起下至大套巡檢汛陳家社迤下止計七十

二里縷堤長一萬二千九百九十九丈

胡家莊舊埽工

童家營東西裏頭埽工

雍正十年築月堤一道康熙四十年築雍正

五年月堤內格堤一道

雍正五年築又大月堤一道

馬頭營月堤一道

盧浦北馬頭月堤一道

左家莊埽工 雍正十年築

范家莊埽工

楊家莊埽工

羅家莊埽工 以上四工相連 月堤一道 雍正五年築

北沙村引河一道 拋水壩一座 俱乾隆四年築

汰黃堤 詳外河縣丞汛內

堡房三十六座

阜甯縣南岸汛 上接下河汛界陳家社迤下起計六下至七巨周金港竈工堤尾止

十一里縷堤長一萬一千一百三十三丈 以下無堤按陳家社對岸卽雲梯關宋以前關外卽是大海自神宗熙寧十年黃河南徙會淮入海始有濁流日漸淤積今

關外州灘已遠  
至二三百里矣

陳家社大月堤一道康熙三十九年築南北月堤二道俱雍正五年

築年

關帝廟月堤一道

辛家蕩滾水壩康熙四十一年建未經開放迤下月堤一道乾隆十年

築

十四堡迤上至廿一堡龍王廟大月堤一道

陳家莊舊埽工

西礮舊埽工

掌家港舊埽工

以上三工相連  
俱雍正五年築

黃家莊月堤

雍正五年築  
六年冲塌

于家社子堰

高門港舊埽工

徐家莊月堤一道

自本莊至陳家  
浦雍正八年築

辛家蕩月堤一道

乾隆十年築

陳家浦圈堤一道

乾隆十年七月十九日陳家浦水  
漫決口二百餘丈數十里內廬舍

庄田盡沒郡守衛公等督率民夫堵塞黑夜見水中  
有火光映射遂掉船數百徧歷村莊救渡男婦一萬

千名有不食四五日者矣漫口至九月  
水落始塞並築重堤一千六百二十丈



山安廳 管安阜二縣黃河北岸工程上接外河廳屬  
北岸汎界泗舖溝起下至阜寧縣六套止計程一百  
九十五里零四十二丈六尺五寸縷堤長三萬五千  
一百四十二丈六尺五寸分四汎內

安東汎

上自北岸汎界泗舖溝起下  
接至上河汎本縣東門外止

計五十一里零

一百七十五丈六尺縷堤長九千三百五十五丈六

尺

內自泗舖溝至陳家莊西共三千六百七丈  
係山陽縣地陳家莊西以下爲安東縣地

山陽邢家莊舊埽工

今淤

鄭家馬頭舊埽工

今淤

李家馬頭埽工

康熙五十七年  
築乾隆十年修

安東齊家馬頭

亦稱二鋪

埽工

康熙五十二年題築乾隆十年修

月堤一

道

康熙五十六年築

唐家莊舊埽工

雍正八年起今淤

王家莊舊埽工

雍正九年起今淤

劉家莊舊埽工

雍正十年築

時家馬頭

亦稱頭鋪

舊埽工

雍正十年築今淤

月堤一道

康熙五十二年

築

引河一道

康熙四十年開

高家莊舊埽工

雍正六年築今淤

周家莊舊埽工

雍正十年築今淤

西門外木龍一架

黃河至安東境內河形窄狹每遇汛漲溜勢猛迅冲激堤根西門大

堤去城垣止四五尺無從加幫

每遇汛水漲發其險

特甚乾隆十一年春總河顧

於堵工遡上建設木

龍挑溜南向保護城垣是年伏

秋汛異漲各工搶護

惟西門工安堵無虞水落後近

工堤岸漸長沙灘矣

西門外大王廟埽工

乾隆七年題修

壩臺一座

月堤一

道

乾隆七年築

便益門外舊埽工

康熙四十三年黃水大漲南門幾潰總河張親督保護置鉄犀一

堡房二十六座

安東上河汛

上接縣丞汛界東門外起下至下河汛界彭家灘止計四十九里

零縷堤長八千九百三十二丈

董家莊埽工

朱家莊埽工

汪家莊埽工

二塘埽工

以上四工相連總稱二塘埽  
康熙三十九年  
題修月堤一道  
康熙

三十九年築

密灣口舊埽工

康熙四十年築  
月堤一道  
康熙五十年築  
堤內

小月堤

康熙五十四年築

蓮花菴減壩

康熙二十年築

茆良口減水壩

康熙十八年建

堡房二十四座

下河汎

上接上河汎界彭家灘起下計四十八里零  
至洋寨司汎界雲梯閣下止

縷堤長八千七百一十丈五尺五寸

龍潭口

亦稱龍塘口

舊埽工

堤外排椿

康熙四十年釘

老堤頭舊埽工

鷄嘴壩

康熙四十年

大飛集蘇家港月堤

乾隆元年築三年放淤

永牙莊埽工

乾隆十年現灘

地藏菴埽工

佃湖埽工

大王廟埽工

以上三工相連總稱佃湖埽工康熙四十一年題修

佃湖大月堤

雍正五年築

伍家馬頭埽工

嵇家馬頭小月堤

康熙五十五年築

車家莊埽工

堡房二十四座

山阜北岸汎

上接五港司汎雲梯關外起至六套迤東泗汾港堤尾止

計四十

五里零縷堤長八千一百四十二丈五尺

以下無堤工

大通口口門

卽馬家港康熙三十六年總河董安國於雲梯關外禹王廟東開馬港河一道分引黃水由小尖三官殿入南潮河以東入海又於薛套築攔黃壩一道三十八年總河張鵬翮以其阻黃水不得暢流奉

**首賜**

**名拆**

去並開馬家港四十年總河張鵬翮題留口門請大通口置鉄犀一座於堤上兩岸築束水堤又橫堤於港東乾隆五年浚馬港洩水河口門至小尖又開小尖迤下三官殿地栽菴等處河道歸南湖河人

海七年又淤八年於口門外築月壩一道以禦汎水如遇異漲相機開洩

柳園頭埽工

月堤一道

康熙四十六年築乾隆六年放淤停修

徐家莊埽工

月堤一道

乾隆六年放淤停修

單家莊埽工

月堤一道

自三套以下起至五套雍正十年築乾隆十年場

卸停修

五套老堤頭月堤一道

乾隆十年築

堡房十九座

裏河廳 管清河山陽二縣運河自外河廳界河口起

至揚河廳界寶應縣黃浦北止計程九十六里零南

岸轉西共堤工長一萬七千三百七十丈北岸轉東

共工長一萬七千一百九十四丈分三汛內

運口汛

北岸自甘羅城西角迤西外河廳界起轉至二開山陽縣清江汛界止堤工共長二千七

百二十丈計程十五里零南岸自新運口由濟運

壩武家墩至高堰界止堤工長一千五百八十九丈

計程八里七分又自濟運壩過七里墩至山陽縣

清江汛界止堤工長二千三百九丈五尺計程十二

里八分 共計二十一里零

張福口引河

康熙三十九年開

天然引河

康熙四十年開



張家莊引河康熙四十年開

裴家場引河康熙十七年開

天賜引河康熙四十年湖水冲開面寬十餘丈不  
等土接裴家場河在帥家莊外今漸淤

爛泥淺引河康熙十七年開  
四十二年加挑

三岔引河康熙四十年開  
乾隆元年加挑

武家墩後橫堤康熙十七年築  
四十年加帮

惠濟祠東旁石工萬歷十四年築康熙三十八  
年加築祠在新莊開故址旁

臨湖堤一道自新大墩起至濟運  
廟外止乾隆八年築

新運口在舊運口南  
七十五丈

頭壩一座乾隆二  
年建

南壩上磨盤墩一座

乾隆四年大學士  
鄂爾泰奏建

二壩一座 三壩一座 壩內月堤一道

俱乾隆  
二年建

舊運口

在大王廟前康熙十七年改向南三里今又  
改南七十五丈舊口尚存舊口之南新口之

北有龍亭一座康熙

四十二年建

甘羅城

周四百二  
十七丈

文華寺洩水河

自開口起至青蕩湖長一萬四千八  
百九十三丈五尺兩岸俱有堤工原

名永濟新河又名護城河萬歷十年開以分洩異漲

之水不至運河盈溢故有護城河之名自文華寺至

楊家廟由軍陽口入白馬湖萬歷十年清運總督凌

雲翼開後淤天啟三年浚以通漕避清江浦之險康熙

三十四年建板工八百餘丈以障湖水雍正八年浚

河四千餘丈幫堤一萬六千餘丈乾隆十年又浚河

頭文華寺前康熙四十五年建有洩水閘凡遇異漲

即開水小即閉雍正間修乾隆二年前河院高

於

文華寺上下建通濟福興二閘將此閘堵閉九年復於河頭改建二孔涵洞一座以洩異漲而縣西一帶民田被淹不如永開之為得也

堡房南岸十座北岸八座

惠濟閘一座閘舊在惠濟祠南天妃口名新莊閘亦靖中改運口移建於南改名通濟萬歷六年又移於甘羅城南天啟四年開月河康熙十九年又移於關泥淺之上馬頭東南七里溝改名惠濟三十四年又建永濟閘於太山墩北與惠濟閘相望四十年復移建於舊運口之頭草壩四十九年拆造雍正十年移建七里溝即今處乾隆六年又拆修

閘上東西鉗口柴壩二道

閘下東西束水柴壩二道

月河閘一座

康熙四十九年建乾隆八年加高一尺二寸

開上東西鉗口柴壩二道

開下東西束水柴壩二道

通濟閘一座

閘在惠濟閘東北乾隆二年前河院高題建通濟福興二閘於惠濟閘下另

開新河長一千六十八丈寬二十餘丈四年大學士  
鄂定議糧艘重運北上走舊河過畢即堵回空及  
商民船隻俱  
由新河往來

月河閘一座

福興閘一座

明時故有福興閘平江伯陳瑄所建第其故址不可考萬歷中改建於壽州廠

之適中處後亦廢康熙十年總河王光裕

奏請添建與惠濟閘通任啟閉部議允準尋不果行乾

隆二年前河院高斌題建於  
通濟閘東四年設官以司啟閉

月河閘一座

清江汎上接運口汎界季家淺起下至府城西南角樓止北岸堤工長七千三百九十一丈九尺

南岸堤工長七千三丈七尺計程四十里零

南岸五孔橋涵洞一座康熙五十九年民建

鳳陽厥閘一座即在五孔橋下康熙三十五年建旋開閘下支河自運河堤起東至雲壩

口仍入運河止長一千五百十六丈四尺南北俱有堤雍正十二年緣修清江閘運河閉壩重浚此河以通南北

往來

文渠溝自五孔橋涵洞起至鑼鼓堆止長六千一百六丈雍正十三年開

盤糧廳前石工一道

楊家廟洩水閘一座乾隆八年建

以上南岸轉西各工程

北岸二井石涵洞一座

康熙五十年淮揚道吳捐建乾隆八年重修

紹興家廟洩水溝

乾隆八年開

板閘關口上下石工

康熙三十八年建四十五年加高修築

烏沙河涵洞口一座

乾隆八年修使閘能常閉則洞可不設

烏沙河永利閘一座

河本名永濟河又名故沙河宋轉運使喬維岳開以通運後漸

淤墊僅存河形明永樂中平江伯陳瑄挑渠置閘以備蓄洩康熙二十三年因閘久廢圯重建閘下河長

一千一百七十二丈通漁濱河接青渠溝河入馬家蕩俱乾隆八年大修水利案內挑浚使不堵閉既資

灌溉復洩異源為利實多

淮安西門石工

天啟間曾築護城石工自西河嘴至包家園磚石相間後俱傾廢康熙三

十八年重建今工

文渠小閘 舊有閘康熙五十七年冲壞又建新閘於內以洩運河水入文曲溝由淮城東門外接入市河  
歸馬家塢

以上俱北岸轉東工程

堡房 南岸二十一座北岸二十一座

清江閘一座 在福興閘東十六里明永樂中建後改在龍汪閘康熙三十八年修並加高雍正十三年又修乾隆四年前河院高乃改名清江閘閘上南北兩岸龍亭二座南係康熙二十三年建北係三十八年建

月河閘一座 明萬歷十七年建康熙四十八年修

平橋汛 上接清江汛界府城西南角樓起下至寶應縣之黃清界止東岸堤長七千三百五十四

丈五尺西岸堤長七千三百七丈五尺計程四十里零

東岸與文闌一座

闌下湖河由鹽城之流均溝入馬家蕩歸射陽湖以洩運河盛漲及

三城積水明代王宗沐浚萬歷間又浚康熙三十五年浚雍正九年又浚

頭二淺臨河磚石工三段

明代建康熙三十八年修雍正五年間段又修

頭淺頭石涵洞

民建水入湖河

二木洞

康熙三十三年民建乾隆十年修水入涇河

三石洞

雍正三年民改建水入涇河

四石洞

康熙六十一年民拆建水入涇河

五石洞

康熙五十八年民建水入涇河

六木洞

康熙三十三年民拆建乾隆十年修水入涇河

二淺頭木洞

康熙二十六年民建乾隆十年修水入涇河



二木洞康熙三十一年民建乾隆十年修水入涇河

潘宅風水木涵洞乾隆八年民拆建十年修水入涇河

三淺二石洞三淺頭洞閉塞已久二洞係康熙四十年民建水入涇河

三石洞康熙三十八年民建水入涇河

涇河關一座關係明代建康熙五十一年重建關下涇河通塔兒頭金吾莊入射陽湖內康熙

三十九年浚乾隆五年又浚南窩地界分挑支河二道一入安定河一入太倉支河俱入馬家塢

三淺四石洞康熙二十八年民建水入涇河

五石洞雍正元年民建水入涇河

李宅風水木洞康熙三十五年民建水入涇河

以上俱運河東岸工程

西岸沙家莊程宅石洞

乾隆三年民建水入文華寺河

二舖劉宅石洞

康熙三十三年民建乾隆十年修水入文華寺河

平橋閻宅石涵洞

康熙四十八年建水入文華寺河

大涇河劉宅木洞

乾隆三年民拆建水入白馬湖

戴家灣楊宅木洞

乾隆三年民拆建水入白馬湖

以上運河西岸各工程

按西岸舊有涵洞五十座今僅存五座矣前人創制

引運河餘澤灌溉民田相沿至今遂為文武汛員利藪重運過後不即及時開放康熙六十一年治

州陳公任總河定運河兩岸涵洞啟閉之例分東西上下為兩截五日一期更番啟閉農民便之

堡房

東岸二十座西岸二十座

下中河廳 管桃邑運河自宿遷上中河廳界大古城  
迤下起至清河縣三岔口計程七十八里舊係上中  
河廳所管  
又自三岔東起至楊家莊黃河口門止計程二十七  
里共計程一百零五里

南岸子堤共長一萬九千三百八十二丈四尺 北  
岸子堤共長一萬八千七百七十丈四尺 北岸遙  
堤一道共長一萬四千七百七十六丈分三汛內

桃源中河汛上自宿遷大古城起下至  
清河主薄汛界之三岔止計七十八里

南岸子堤一萬四千四百九十二丈四尺

九里岡格堤一道 月堤下格堤一道

半路劉月堤一道

劉家道口格堤一道

三岔格堤一道

俱乾隆七年築

北岸子堤一萬四千八十七丈四尺

史家莊月堤一道

姜家莊格堤

雲家莊月堤一道

楊家莊月堤一道

盛家河頭月堤一道

高家莊月堤一道

十里堡格堤

三義壩格堤

來安集格堤

以上俱乾隆六十七年築

堡房四十座

清河縣中河汎

上自桃源至簿汎界起下至楊家莊黃河口止

計程二十七

里南岸子堤長四千七百九十丈

以下堤壩並跨河身其墜河等

閘則在北岸故分列於此

雙金門閘南北撐堤二道

康熙四十二年築

裏草壩南北撐堤兩道

楊莊運口南北撐堤兩道

頭草壩一座 二草壩一座 三草壩一座

俱康熙四十二年

築按中河本在縣西仲家莊出黃口康熙四十二年二月奉

上諭

仲莊開清水出口通溜使南恐運口有碍應於陶莊開以下挑引河一道改令從楊家莊出口於運口有

益總河張欽遵改開今口

北岸子堤長四千六百八十三丈

鹽河開一座

康熙四十二年築

閘下月河草壩一座

雍正九年

運鹽中河一道

按鹽河淤淺已久康熙二十六年河院新題浚並築西岸束水堤至平

旺河一以洩中河盛漲之水一以爲運鹽之渠當時商人捐銀八萬餘兩每年捐銀四千兩交中河廳修

補河堤

雙金門閘

康熙三十四年建洩水入鹽河四十二年拆去中磯心

雙金門北小閘一座

三十四年建  
浪水入鹽河

堡房十三座

安東中河汎管鹽河

上接清河主簿汎界王營減壩  
下朱元莊起下至海州新安鎮

五丈計一百七里河長一萬九千三百四十一丈

河止  
二十六  
年浚

束水堤二道

長與河  
身等

南岸遙堤長九千四百六十八丈五尺

康熙三十  
八年築

北岸遙堤長一萬三千五百六十一丈

康熙四  
十年築

高堰廳

管洪澤湖堤工北自裏河廳山清交界起南

至高良澗汛內禹王廟前山旰廳界止計程五十里

零土磚石堤工長九千九丈零分二汛內

高堰汛

自裏河廳運口汛界武家墩北起至小黃莊高澗汛界止

計三十六里零

土磚石工共長六千五百三十四丈二尺

東堤一道

武家墩東西二堤係明季新運河之東西堤今以西堤爲大堤其東堤亦歲修以爲

重門保障

攔河壩一道

康熙十六年因新河不復行運故築以便往來

鹽壩一道

康熙三十四年築

南攔湖壩一道

康熙二十二年築



土地廟起至小黃莊止石工康熙三十八年建

山清交界臨湖埽工

第三堡至四堡石上馬鞍柴工乾隆十年加築

第四堡至五堡石上加磚工乾隆八年加砌

高堰大壩外越埽工

壩裏石工康熙三十四年建四十年置鉄乾隆七年加砌磚工

東創柴工

高堰大壩南接護堤救生壩一道

乾隆十一年七月奉

諭朕聞洪澤湖周圍寬廣五百餘里一遇風起浪湧船隻每有漂溺之患康熙年間蒙  
聖祖仁皇帝特設救生橋釘於石工之外使被溺之人得以

攀援而上活全甚多今夏家橋地方有舊葦壩一座并高堰迤南順水壩一座俱有口門爲遭風船隻躲避之所於行舟甚屬有益着再於高堰廳屬之老堤頭山盱廳屬之高河壩迤南又徐家灣周橋等四處各添設護堤救生壩俾沿湖一帶人船恃以安全該部卽行知署河道總督顧琮令其遵照妥協辦理欽此

大壩南至七堡加磚工

乾隆五年前總河高題請加磚

第七堡南至十一堡石上馬鞍柴工

康熙三十九年加鑲

六安溝外越埽工

在九堡

壩裏石工

康熙三十四年砌乾隆七年加磚

侯二門壩石工

孫家西小壩石工

大壩石工

管家西壩石工

以上各壩工康熙三十四年雍正八年改建石工

十一堡南至十二堡石工

乾隆九年石上加磚

十二堡至老隄頭加磚工

乾隆五年加砌

老隄頭護堤救生壩一道

乾隆十一年奉

特旨建

老隄頭至十四堡加磚工

乾隆八年加砌

二堤一道

自武家墩至小黃莊

運料河一道

在大堤之東二堤之西自武家墩而南至山圩周橋共長一萬一千四百餘丈

二廳運料船隻悉由楊家廟進口直抵工所可免洪湖之險康熙二十五年總河靳輔題請挑浚四十年

總河張鵬騄率河工大小臣工捐挑四十一年又加挑六十一年又挑今復淤淺

武家墩舊減水壩萬歷二十九年開闢洩水尋閉康熙十九年建壩三十九年復閉

舊運鹽河接運料河在武家墩東水出單陽口

救生椿九處七堡八堡九堡六安溝壩左六安溝壩右十堡十一堡十二堡

三堡

堡房一座

高澗汛上接高堰汛小黃莊起下至禹王廟山野界止計一十三里零土石

堤工長二千四百七十四丈九尺零

小黃莊至禹王廟石工康熙四十年築雍正九年加帮

周家壩東餞柴工乾隆十一年築

二堤一道

運料河一道

高良澗減水壩

淮安府西南九十里由清河澗沙埠橋入淮萬歷間置閘洩水入寶應諸

湖康熙十九年建減水壩一座三十九年閉四十年置鉄扉一座

青州澗

乾隆九年浚

救生椿四處

十四堡

十五堡

十六堡

十七堡

康熙四十二年奉

**上諭**  
特建

堡房四座

山盱廳 管山陽盱眙二邑洪澤湖工程自高堰界禹

王廟前起至盱眙秦家高岡止計四十里堤長七千

九百三十八丈三尺

工段在山陽地方者自禹王廟下至徐壩汛唐埂壩止

計

堤長六千零二十七丈計程三十三里四分分二汛

內

高澗汛

上自高堰屬禹王廟起下至周橋徐壩汛止

計十九里六分堤長

三千五百二十六丈五尺

高澗壩外月埽工

裹越石工

越塘工一道

按高良澗嘉靖年間因泗陵水渰設開以備宣洩開底以石爲梁過水四尺好

民利以通船乃盜挖深五倍萬歷間屢修易石限爲開板康熙間築塞四十二年外廂月埽內築月堤置

鐵犀於上乾隆八年石上加磚壩下舊河仍存  
東有濬河一道係引運料水入岔河歸白馬湖

龍門壩外越埽工 裏月舊石工

越塘埽工

康熙三十八年築

裏越石工

康熙三十四年初四十年加置鉄犀於上

乾隆四年石上加砌磚工

清水潭外越埽工

裏越新石工

越塘埽工

地係舊時决口康熙三十六年築外越埽工置鉄犀於上雍正五年修砌裏越石工

二堤一道

運料河一道

高澗裏越壩南北橫堤二道

俱接至二堤

周橋閣下順水堤一道

舊閣係嘉靖間泗陵水災設萬歷間修建康熙十九年改

建減水壩三十九年前河院張鵬翮築成順水堤因閉此壩築石堤於上

草澤河一道入寶應湖康熙四十年河上築埧

高澗密灣護堤救生壩工

周家橋護堤救生壩工

二壩俱乾隆十一年奉

特旨建

救生椿工五處高澗壩南 龍門壩南 厲家西五壩

俱康熙四十七年奉

上諭建

堡房六座

徐壩汛上接高澗汛周橋南計二十四里堤長四千

四百四十一丈八尺內山邑屬自周橋起至唐埂壩南止計十三里堤長二千五百



丈五尺

古溝東壩外月埽工

裏月石工

明代設閘康熙十六年決東西

各三十餘丈十九年築塞建減水壩三十九年復開後凡兩決乾隆七年又決尋築成舊埽工止長三十丈今加築二百一十三丈裏月石工俱越進重築乾隆八年加砌磚工共長一百七十五丈

古溝南至茆家圩第八堡臨湖石工上加砌磚工

乾隆

四年前總河高

題修

茆家圩頭壩外月埽工

地係舊減水壩康熙三十九年特遣尚書范承勳堵塞

加築埽工康熙五十八年決尋堵

裏月石工

康熙四十二年修砌磚工乾隆六年又加磚三

層乾隆八年又加磚一層

越塘工一段

茆家圩頭壩二壩第九堡臨湖石工加磚工

乾隆四年前總

題修河高

茆家圩二壩外越埽工

地係舊減水六壩之一康熙三十九年堵塞鑲築

月石工一段

康熙四十二年修砌磚工一百二十四丈八尺乾隆六年加磚三層八年又加

砌磚工一層堤有鉄牛一

越塘工一段

茆家圩二壩起至滾水北壩止石上加磚工

乾隆十一年修

滾水北壩一座

康熙十六年山貽大堤決古溝東西茆家園夏家橋谷家橋店埂北南翟

家壩凡成河九道十九年堵築塞翟家壩口於周家橋古溝東西店埂北中南建減水壩六座二十一年復築茆家園夏家橋減水壩以資宣洩三十五年大水各壩俱被冲塌三十九年遣尚書范承勳等堵閉

各壩改建三滾壩口門共寬二百丈雍正四年河督  
嵇以三滾壩下石限太高不足以資宣洩議於壩下  
各改底一尺五寸今茆家圩頭二壩夏家  
橋唐埂壩各埽工皆係堵閉滾壩壩基

北壩下引河一道三壩引河合流至李良橋入寶應  
湖南注高郵諸湖如遇盛漲則北

漾入青蕩湖白馬湖皆入運河由高郵東  
岸各開壩入海由揚州灣頭芒稻閘入江

按高郵南關車邏五里一帶開壩與三滾壩天然  
壩各口門尺寸一一相應不爽鎔銖尋常則以諸  
湖爲水櫃漕運民田賴焉異漲則上游來源  
下游適足宣洩古人良法美意大可槩見云

夏家橋外月堤一道 裏越石工一段

康熙三十  
五年決壞

減壩四十年修  
置鉄屏於上

越塘一道

滾水中壩一座

中壩下引河一道

長六百九十  
丈與北壩引

河匯又二百八十五丈與南壩引河匯

唐埂壩外越土工康熙四十二年修四十四年決復修

越塘一道

滾水南壩一座南壩下引河一道長一千一百五十九丈與

中兩壩引河合流長五千七百六十七丈八尺至普利寺入汜光湖

三滾壩北岸束水堤一道

徐家灣護堤救生壩工一座

乾隆十一年奉

待旨建

夏家橋護堤救生壩工一座康熙年設

滾水南壩以下各工俱係盱眙縣地故志不載

淮安府志

卷之六

皇

大堤夫堡房二座

增設廳營

桃源廳

淮安府桃源河務同知一員 明萬歷十一年設桃  
清山鹽同知駐甘羅城管理桃清山鹽河務 康熙  
九年分設宿桃清北岸同知駐宿遷又設 清同知  
駐桃源又設歸仁同知駐白洋河 十五年裁併爲  
宿桃歸仁同知駐白洋河 二十一年總河靳  
題設桃源河務同知管轄桃源境內黃河南北兩岸四  
汛文武兵夫堤埽柳園浚柳船隻 駐桃源縣  
烟墩汛桃源縣南岸縣丞一員 明嘉靖二年設以

管糧康熙二十二年改管河務 駐縣

龍窩汛桃源縣南岸主簿一員 元時設 康熙十

三年改管河務 十七年改定分管南岸堤工 駐

縣

崔鎮汛

卽九里岡汛

桃源縣北岸主簿一員 明嘉靖二

年設後改宿桃北岸主簿 康熙十七年改定分管

北岸堤工 駐崔鎮

黃家嘴汛

卽磯嘴嘴汛亦名三義汛

三義鎮巡檢一員 明成化

二十一年設駐三義鎮後移駐仁和集 康熙十七

年改定分管北 工程 駐三岔

桃源南岸河營守備一員 康熙二十二年總河靳

題准增設

康熙十七年總河靳輔題各改州縣隄夫爲河兵設六河營守備十八年增設徐州

守備爲七營二十二年添設桃源營守備爲八營舊志及行水金鑑俱未分晰開載相傳至今遂以爲河營守備俱十七年所設茲據文襄公治河書改正 雍正七年河院尹 改定

管轄南岸二汛武弁河兵堤埽柳園浚柳船隻

烟墩汛把總一員 康熙十七年 題設 駐縣

龍窩汛千總一員 康熙十七年 題設 駐工

桃源北岸河營守備一員 雍正七年河院尹 題

定分設管轄北岸二汛武弁河兵堤埽柳園浚柳船

隻



崔鎮汎千總一員 康熙十七年設 駐崔鎮

黃家嘴汎把總一員 康熙十七年河院靳 題設

名磯嘴壩汎 駐黃家嘴

外河廳

淮安府山清外河同知一員 明初差巡視淮安河

道主事一員 天順元年裁 萬歷四年設淮安府

管河同知二員一駐徐州一駐邳州 十一年移邳

州同知駐甘羅城令管山清桃鹽河務 康熙十一

年分設安海同知 十七年改山清盱眙同知兼管

裏河 十九年改爲山清外河同知管轄清河山陽

二縣黃河南北兩岸四汛文武兵夫堤埽柳園浚柳  
船隻仍駐甘羅城 二十四年移駐清江浦

清河北岸汛清河縣外河主簿一員 明天順初年  
設 嘉靖四年裁 萬歷二十五年設 三十五年  
裁 三十七年設 四十五年裁 順治二年復設  
駐工

清河南岸汛清河縣馬頭司巡檢一員 明洪武三  
年設康熙二十三年改令兼管堤工 駐甘羅城  
山陽南岸外河汛山陽縣外河縣丞一員 康熙二  
十三年設 原駐湯董莊 今駐清江浦

山陽南岸上河汛山陽縣外河主簿一員 明嘉靖

年間設兼管裏河 萬歷二十四年改定專管外河

駐蘇家嘴

外河管守備

亦稱外河上管

康熙十七年設

駐清江浦

衛署在運河北岸六四巷前 管轄四汛武弁河兵

堤埽柳園浚柳船隻

清河北岸汛千總一員

康熙三十年設

駐縣

清河南岸汛把總一員

康熙三十年設

駐甘羅

城

山陽外河汛千總一員

康熙十七年設

駐湯董

莊

山陽上河汛把總一員 康熙十七年設 駐真武

廟

海防廳

淮安府山阜南岸河務海防同知一員 明時設海

防兵備道駐徐州後裁 萬歷二十二年因倭警於

廟灣鎮建城設海防同知專管海防軍務詞訟巡捕

兵糧稅課等事與遊擊協守 康熙三十一年合分

管海州鹽城二州縣下河 雍正四年以海州山陽

二州縣葦蕩陞科地八千頃九十三畝六分令海防

廳經徵錢糧每畝科銀五釐每年共徵銀四千兩四錢六分八釐自五年爲始 九年前河院嵇 題准以外河廳屬之上河汛迤下工程計一百五里六分并山安廳屬之大套一汛計六十一里分歸海防廳管理改爲河務海防同知管轄山阜二縣黃河南岸工程三汛文武兵夫堤埽柳園浚柳船隻 駐童家營

山陽縣童營汛童營司巡檢一員 雍正九年設駐工

阜甯縣下河汛馬邏司巡檢一員 明洪武十八年

設 康熙二十四年令管河工 駐盧浦在淮安府  
東北一百二十里

阜甯縣南岸汛大套司巡檢一員 康熙二十三年  
改高堰大使爲大套大使 三十一年裁 後又改  
設巡檢原屬山安廳管轄 雍正九年改屬海防  
駐大套 今在廟灣

山阜南岸海防河營守備一員 雍正七年分外河  
營設外河下營 九年以山安營南岸汛歸併管轄  
改爲海防營管轄三汛武弁兵夫堤埽柳園浚柳船  
隻 駐工

童營汛把總一員 雍正九年設 駐工

阜甯下河汛把總一員 雍正九年設 駐周門

阜甯南岸汛把總一員 雍正九年設 駐掌家港

山安廳

淮安府山安阜北岸河務同知一員 明萬歷二十

二年設浚海工部郎中一員管疏浚黃河北岸至海

口一帶淤沙二十六年裁後設山清桃鹽河務同知

康熙十一年分設安海同知十七年裁仍歸山清同

知管理改爲山清安海同知 十九年仍分設山安

外河同知原管山安阜三邑黃河南北兩岸 雍正

九年前河院嵇 題准將南岸大套一汛分屬海防  
今止管北岸安阜二縣黃河四汛文武兵夫堤埽柳  
園浚柳船隻 駐安東縣

安東汛安東縣縣丞一員 洪武二十四年設 萬  
歷九年裁 康熙二十三年復設 駐縣

安東上河汛安東縣主簿一員 景泰二年設 嘉  
靖十年裁 康熙十年復設 駐夏村營

下河汛安東縣五港司巡檢一員 萬歷二十四年  
于桃源黃家嘴開新河分黃水東行由五港入海因  
設 康熙二十年管河 駐工



山阜北岸汛阜甯縣羊寨司巡檢一員 洪武十八

年設 康熙十九年改管河務 駐工

山安河營守備一員 康熙十八年設 駐縣

管轄安東上河二汛武弁河兵堤埽柳園浚柳船隻

安東汛千總一員 康熙十八年設 駐縣

上河汛把總一員 康熙十八年設 駐夏村營

安阜河營守備一員 雍正七年分設 管轄下河

北岸二汛武弁河兵堤埽柳園浚柳船隻 駐工

安東下河汛把總一員 康熙十八年設 駐佃湖

山阜北岸汛把總一員 康熙十八年設 駐薛套 卽頭套

裏河廳

淮安府山清裏河兼管理事同知一員 萬歷四年  
設淮安府管河同知兼管清軍 康熙三年以清軍  
歸併捕廳十七年改爲山清盱眙同知駐府城 三  
十二年分設山清裏河同知 雍正三年令兼管理  
事同知 駐清江浦 管轄清河山陽二縣運河三  
汛文武兵夫堤埽柳園浚柳船隻

清河縣裏河縣丞一員 洪武初設 崇禎初裁  
康熙十九年復設 二十三年管河 駐甘羅城卽  
外河廳署

山陽縣裏河主簿一員 萬歷六年設舊駐府城今  
駐清江浦

山陽縣裏河縣丞一員 成化年設 駐府城

惠濟閘閘官一員 明宣德年設 駐工

通濟閘閘官一員 乾隆四年設 駐工

福興閘閘官一員 乾隆四年設 駐工

清江閘閘官一員 永樂年間設 駐工

山清裏河上營守備一員 康熙十七年河院斬

題設原名山清盱眙河管 雍正六年改爲裏河上營

管轄二汛武弁河兵堤埽柳閘浚柳船隻 駐清江

浦

裏河運口汛把總一員 康熙十七年設 駐甘羅

城

裏河清江汛千總一員 康熙十七年設 駐清江  
浦

山陽裏河下營守備一員 雍正六年河院齊

題請分設 七年四月尹大人設營分管平橋一汛武

弁河兵堤埽柳園浚柳船隻 駐清江浦

裏河平橋汛把總一員

舊稱下汛 駐平河橋

中河廳

淮安府桃源安清中河通判一員、康熙三十八年分設管安清二邑運河 雍正九年前河院嵇

題准以上中河廳屬之桃源主簿汛內運河歸併管理改爲桃源安清中河通判管轄桃邑運河三汛文武兵夫堤埭柳園浚柳船隻 駐清江浦

桃源中河汛桃源中河主簿一員康熙三十一年裁盱眙主簿改設屬中河 三十八年分屬宿桃上中河管 雍正九年改屬桃源安清中河管轄 駐衆興集

清河縣中河汛主簿一員 康熙三十一年設 駐

縣

安東中河汛長樂司巡檢一員 明洪武六年設

康熙二十七年總河王 題令沐陽縣主簿帶管中

河 三十一年總河靳 題改令長樂司管 駐北

岸長樂鎮

桃源安清中河守備一員 康熙三十八年設 駐

清河縣 原管二汛今管三汛武弁河兵堤

埽柳園浚柳船隻

桃源中河汛把總一員 康熙十七年設 駐衆興

集

山清中河汛把總一員 康熙十七年設 駐汛

安東中河汛把總一員 康熙二十六年設 駐工

高堰廳

淮安府高堰河務通判一員 康熙十七年設山清

盱眙同知管理外河及高堰河務 三十二年分設

高堰山盱通判一員 三十八年又分高堰山盱兩

通判 駐工 管轄洪澤湖二汛文武兵夫堤埽柳

園浚柳船隻

山陽縣高堰主簿一員 明萬歷七年設高堰大使

一員 康熙二十三年裁改主簿屬山清盱眙同知

轄 三十二年改屬 駐高堰壩

山陽縣高良澗主簿一員 原屬山清盱眙同知

康熙三十二年改屬堰行通判 三十八年分屬高

堰山盱兩通判轄 駐周橋

高堰河營守備一員 康熙三十八年分山清盱眙

河營設高堰山盱河營守備一員管三汛 雍正七

年又分爲高堰山盱二營管一汛半武弁河兵堤埝

柳園浚柳船隻 駐工

高堰汛千總一員 康熙十七年設 駐高家堰

高澗汛把總一員 康熙十七年設 駐高良澗



山旴廳

淮安府山旴河務通判一員 康熙十三年設旴貽  
同知一員駐旴貽 十七年裁山清同知歸併旴貽  
同知管理改爲山清旴貽同知移駐淮安 十九年  
仍歸山清同知移駐甘羅城 三十二年設高堰山  
旴通判 三十八年又分設山旴通判 駐周橋  
管洪澤湖二汛文武兵夫堤埽柳園浚柳船隻

山陽縣高良澗主簿一員 舊設 屬高堰山旴二  
廳管 駐汛

泗州旴貽縣縣丞一員 舊設 康熙十三年設旴

貽縣主簿一員 二十二年改爲山旣主簿 三十

一年裁歸縣丞管理 駐汛

山旣河營守備一員 雍正七年分設營一汛半

駐工

高澗汛把總一員 康熙十七年設屬高堰山旣二

營管 駐汛

山旣徐壩汛把總一員 康熙十七年設 舊駐徐

家口 今駐周橋